



La Géorgie

Indépendante

Revue mensuelle

OCTOBRE

1931—№ 70

აქტემბერი  
1931 წ.  
№ 70

# საქართველოს საზოგადოებრივი საბჭოთაო საქართველო

ს ა ქ ა რ თ ვ ე ლ ო ს პ ო ლ ი ტ ი კ ე უ რ ი პ ა რ ტ ი ე ბ ი ს ო ო რ გ ა ნ ო .

## მ ი ნ ა ა რ ხ ი :

მეჩაუბრი—უდიდესი ხიფათი.  
საქართველოს საკითხი.  
რ. ინჯილო—ვატიკანის ოფიც. და ჩვენი საკითხი.  
ს. ფიშინაძე—ქართველ მშობლებს.  
ვაჟი—მოსკოვი წინეთ და ეხლა.

გრიკოლაშვილი—სააღმშენებლო პერსპექტივები.  
საქართველოს ისტორიის მოკლე მიმოხილვა.  
უცხოეთის მიმოხილვა.  
საქართველოდან იტყობინებთან.  
ქართველები გერმანიაში და სს.

## უ დ ი დ ე ს ი ს ი ზ ა თ ი

ჩვენს გაზეთში უკვე მოთავსდა შემადრწუნებელი ცნობები, თვით მტრის წყაროებიდან, თუ როგორ განიშვოდა საოკუპაციო ხელისუფლება. კახეთში, საქართველოს ამ ბალნარში, დღეს უკვე ახსრებულში, ქართველ მუშებს, გლეხებს სამუშაოდან ერეკებიან! წარმოებაში რუსები ჩამდგარან სათავეში და «სოციალიზმის» სახელით ეუბნებიან მათ: ქართველები უვარგისნი ხართ მუშაობისთვის, გაგვეცალენით, მაგიერ ჩავყენებთ რუსებს, გადამითიელთ და აგაშენებთ ქვეყანას უქართველებოთო. საქართველო უქართველებოთ—გესმით თუ არა, მკითხველო, ამ სიტყვების ნამდვილი აზრი და წონა?

მაგრამ არის მეორე კუთხე—ბორჩალო, საქართველოს გაუტყეხელი ზურგი საუკუნეთა გასწვრივ: თქვენ იცით, ის შეადგენდა ტრადიციულათ ამირსპასალარის ანუ სამხედრო მინისტრის სამოურაოს, —რა ხდება იქ, ბორჩალოში? ესეც წაკითხული გაქვთ გასულ ნომერში, სიტყვას არ გაავარძლებთ. ასეულნი დახვრიტეს, მეორე ასეულნი აყარეს მთელის ოჯახით და ცივ რუსეთში გადაასახლეს სამუდამით, ესე იგი მათ ადგილზედ ჩაასახლეს... სომხის ლტოლვილნი.

მსგავსი ამბები ხდება მეზობელ ქვეყანაში, აზერბეიჯანში, სადაც დიდი ხანია ყრიან გლეხებს და მათ ადგილზედ ასახლებენ რუსებს, რომელთა რაოდენობა დღითი დღე მატულობს.

ეხლა ამას თუ დაუმატებთ, რომ გასულ ზაფხულს

პარიზს ეწვია სომხეთის საბჭოთა «მთავრობის» თავმჯდომარე გაბრილიანცი, რომლის მისხია სწორეთ იმაში მდგომარეობდა, რომ რაც შეიძლება მეტი სომხნი ლტოლვილი მიეზიდა იმავე კავკასიაში, სურათი საკმაოთ დამთავრებული იქნება. მით უფრო, სომხის პოლიტიკური ემიგრაცია, როგორც გაზეთები გვამცნევენ, დადებითათ შეხვდა გაბრილიანცის მისხიას. მართალია, ისინი ამბობენ ლტოლვილნი «ერევნის» რესპუბლიკაში მიჰყავთო, მაგრამ ვინ არ იცის, რომ უმეტესი მათ შორის «გზად» საქართველოში ჩარჩება.

როგორც ხედავთ, ეს მოვლენა არა მარტო საქართველოს, მთელი კავკასიის მასტაბისაა, და ექნება, როგორც წარსულში, თავისი დამღუპველი შედეგები. თანამედროვე ბარბაროსები—ბოლშევიკები ხელს ავლებენ იმავე მოშხამულ იურალს, რასაც სარგებლობდა ცარიზმი, მხოლოდ იმ განსხვავებით, რომ ტემპში და უსასტიკეს საშუალებებში შორს სტოვებენ თავის წინამორბედს.

არაერთხელ დაუსვამთ კრემლში კითხვა, რა უყოთ კავკასიას, როგორ ჩავახრჩოთ იქ მოძრაობა, აჯანყებებიო, მაგრამ სხვა პასუხი ვერ უპოვიათ, გარდა გაძლიერებულ მხეცურ რეპრესიებისა. და ამათ შორის ზევით ნახვენები ქლექტა-გადასახლებანი და დაცალიერებულ სოფლებში უცხო ელემენტების ჩასახლება—ეს ის ზომაა, რომლის მსგავსი შაპაზის დროიდან არ განუცდია საქართველოს.

ცარიზმის დროს, მე-19 საუკუნეში, როგორც შე-

დევად კავკასიის თუ რუს-ოსმალის ომებისა, თითქმის ნახევარი მოსახლეობა მაჰმადიანურ კავკასიისა იძულებული გახდა გახიზნულიყო ოსმალეთში, და მათ ადგილას ჩაასახლეს კახაკები, სომხები, რუსები, ყველასათვის ცნობილია, როგორის მონდომებით და წინასწარ შემუშავებული გეგმით ანხორციელებდა რუსის ბიუროკრატია, მაგ., საქართველოს აჭრელებას ეროვნულად. გაიხსენეთ ჯავახეთი, არტაანი, აბხაზეთი და სხ., როგორ დაწდა, ამ პოლიტიკის მეოხებით, სისხლიდან. თვით დედაქალაქიც ხომ არ დაინდვს.

მიზანი ამ ზომებისა, გარდა ერთა სხეულის დაუძლურებისა, მათი ერთმანეთზე გადამტერება და თავის ბატონობის გაადვილება იყო. საშინელი ნაყოფი ჩვენ უკვე ვიგემთ პირველ და მეორე რევოლუციის დროს, როცა განსაკუთრებით თათრები და სომხები დაერივნენ ერთმანეთს. ვის შეუძლია უარყოს, რომ იგივე პოლიტიკა ერთი უმთავრესი მიზნითაგანია კავკასიის რესპუბლიკათა დამხობისა?

კავკასიის ერები კი ცდილობენ დამხობილ რესპუბლიკების აღდგენას. ამისათვის იბრძვიან, ჯანყობენ. ამ ბრძოლაში იჭედება სწორეთ მათი სოლიდარობა, დამხობილება და ახლო მომავალში ერთ ჭერ ქვეშ თავის მოყრა კონფედერაციის სახით. შარშანდელი და წრევანდელი გამოსვლები იმდენათ ცხად ჰყოფს ამას, რომ მტერი იძულებულია საჯაროთ აღიაროს იგი.

აქედან ნათელია მისი სასოწარკვეთილი ცდა გათიშოს მებრძოლი რიგები, გადაჰკიდოს ერთი ერი მეორეს, დაშალოს მათი მთლიანი ფრონტი და მით ხელიდან არ გაუშვას მორალურათ მისთვის ისედაც დაკარგული კავკასია. ჩვენთვის ცხადი უნდა იყოს, რომ მტერი არ დაერიდება ამისათვის არავითარ საშუალებას, რაც უნდა სათაკილო და ჯოჯოხეთური არ იყოს იგი.

კავკასიის ერები სდგანან უდიდეს ხიფათის წინ, საჭიროა ხელმძოვანელებმა დროზე მიაქციონ მას ყურადღება, სანამ გვიან არაა. როცა მტერი მოდის ჩვენზე ასეთი გაუგონარი იერიშით, ჩვენი წმინდა მოვალეობაა თავი დავიცვათ როგორ და რანაირათ?

ამ კითხვანე პასუხი ადვილი არაა. ცხადზე უცხადესია, მტერი იხვევს ხელზე ჩვენი ერების, განსაკუთრებით გლეხების აჯანყებებს კავკასიის სხვა და სხვა კუთხეში და ამით ამართლებს თავის რეპრესიებს. შეგვიძლია თუ არა, მაშასადამე, ვუთხრათ ხალხს ხელი აიღოს მოძრაობაზე, აჯანყებაზე?

ჩვენ მოვისმინეთ ერთი იქიდან ჩამოსული ბორჩალოელი. ჩვენი ორგანიზაციები, ამბობდა ის, ცდილობენ, წელეზხედ ფეხს იდგმენ, რომ შეაჩერონ გლეხები გამოსვლებისგან, მაგრამ უკანასკნელნი უბასუხებენ: რას ვკარგავთ, ქონება არაა ჩვენთვის, არც ოჯახი, ბარემ თავს შევაკლავთ!

დიახ, ეს ასეა. მოდი და უქადაგე გამწარებულს, გახლებულს დამწვიდება, მოთმინება, რა გამოვია? ეს იმას ნიშნავს, ვერ წარმოიდგინო მისი გამოუვალი მდგომარეობა, ვერ ეზიარო მის ვარამს. მაგრამ... მაგრამ ჩვენ მაინც ორგანიზაციებს ვემხრობით, ვინაწილებთ მათ ტაქტიკას, პოლიტიკას ამ საბედისწერო მომენტში. არა ერთხელ გამოგვითქვამს ეს აქ კავკასიის ერებს მართებელ დიდი სიფუთხილე. ძალების დაზოგვა. მათ უფლებაც არა აქვთ თავი სასაკლაოზედ დასდონ, ხომ იციან, ვისთან აქვთ საქმე, მტერი არ დაერიდება წამოიძახოს მსგავსათ რომის იმპერატორ კალიგულასი: რატომ ერთი თავი არ აბიათ, ერთი დაკვრით გავაგდებინოვო.

მიემართავთ ჩვენს ერს, სახელმწიფოებრივ ქართველ ერს. განა მისმა სიბრძნემ არ შექმნა ანდაზა: როცა დათვი მოგერიოს, ბაბა დაუძახეო? დიახ, მტერი მოგვერია, დაგვჩაგრა, გვაწამებს... მიუხედავათ ამისა, ჩვენ მაინც ვალდებული ვართ დაგზოვოთ ჩვენივე თავი, არ მივცეთ მას საშუალება, სულიც ამოგვართვას, ლეშად გვაქციოს. აი, რაა სადღისო ამოცანა.

ზევით ვახსენეთ ხელმძღვანელნი შინ და აქ. მათი აზრი უკვე ვისმინეთ შინიდან. რას ფიქრობენ აქაურები? ჩვენ ვიცით, ისინი ეწვევიან კამპანიას მტრის რეპრესიების წინამდებ პრესაში, ოფიციალურ წრეებში. ეს კამპანია უნდა გაძლიერდეს ერთი ორად, ერთი ათად.

მეორეს მხრით, აქვე არიან მეზობლების წარმომადგენელნი, ჩვენებმა მათთაც უნდა მოსთხოვონ იმავე კამპანიის წარმოება. განსაკუთრებით სომხის ხელმძღვანელთ უნდა მიუთითონ აქეთკენ: სწორეთ მათ უნდა გადაისროლონ ლოზუნგი: შორს მეზობლების ტერიტორიის დასახლება ჩვენი ძმებით!

მტერი გვიმზადებს უდიდეს ხიფათს. უნდა გადაგვიკიდოს ერთმანეთს სწორეთ იმ დროს, როცა თვითონ კატასტროფის წინა სდგას. ვისაც ჰგონია, ევროპა-ამერიკის კრიზისი უვნებლათ დასტოვებს საბჭოებს, ღრმათ ცდება, მოსკოვი დღეს თუ ხვალ ახალი ვალების მორატორიუმს გამოაცხადებს. გაკოტრდება, რა უნდა მოჰყვეს ამას, ლაპარაკიც ზედმეტი.

მაშასადამე, მოთმინება, ძალების დაზოგვა ლიტონი სიტყვა არაა, მას აქვს აზრი და მნიშვნელობა ჩვენი განმათავისუფლებელ ბრძოლისათვის. საჭიროა გავიხსენოთ, ეროვნული განთავისუფლება არც ისე მარტივი საქმეა. მას ვერ დაუდებთ ზღვარს, ვერც ვადას. ფორმებიც ეროვნულ ბრძოლისა სხვადასხვაა, დღეს, ერთი გამოგადგება, ხვალ მეორე, საჭიროა დროის და აგილის შერჩევა.

ქართველ ერს ეს გახსენება არ ეცივრება. მას უბრძვია საუკუნოები მედგრათ, მაგრამ ხერხიანათ, მოქნილათ, ამის წყალობით მოიტანა მან თავის თავი დღემდე.



ს ა ქ ა რ თ ვ ე ლ ო ს ს ა კ ი თ ხ ი

უკანასკნელ განაფხულზე ჩვენმა წარმომადგენელმა ქვეყანაში მიმართა შვეიცარიის ასოციაციას მიეღო თავის თავზე და წამოეყენებია საქართველოს საკითხი ერთა ლიგის დამხმარე საზოგადოებათა (ასოციაციების) ინტერნაციონალურ კავშირის ყრილობაზე. ამ მიმართვას ხსენებული ასოციაციის ბიურო დიდის თანაგრძობით შეხვდა, მაგრამ შეუძლებლად სცნო ამ საქმის შესრულება საზოგადოებრივ ნებადაურთველად. გადადგმულ იქნა სათანადო ნაბიჯები და მაისის 16-17 შემდგარმა კრებამ მიიღო დადგენილება, რომლის ძალით შვეიცარიის ასოციაციას დაევალა საქართველოს საკითხის აღძრვა იმავე მაისში ბუდაპეშტში განხრახულ ასოციაციათა საერთაშორისო კავშირის ყრილობაზე. სამწუხაროთ უკანასკნელის პროგრამა უკვე შედგენილი იყო და მისი შევსება ახალი საკითხით არ შეიძლებოდა. იგივე ჩვენი წარმომადგენელი ხ. შავიშვილი, რომელიც დაესწრო ბუდაპეშტის ყრილობას, შეეცადა ნიადაგის მომზადებას მომავლისთვის და შვეიცარიის დელეგატთან ერთად შეიმუშავა რეზოლუციის პროექტი საქართველოს შესახებ. ამ თვის დამდგეს პერუბაში (იტალია) შესდგა ლიგის დამხმარე ასოციაციათა საერთაშორისო კავშირის საბჭოს კრება, რომელსაც შვეიცარიის წარმომადგენელმა წარუდგინა რეზოლუცია. საბჭომ სავსებით მიიღო ეს რეზოლუცია და დაადგინა მისი წარდგენა მომავალ საერთო ყრილობაზე.

მოგვყავს რეზოლუცია: «ერთა ლიგის ასოციაციების საერთაშორისო კავშირის საზოგადოებრივ კრებაზე 1921 წ. ივნისის 5 მიღებულ იქნა რეზოლუცია საქართველოსასარგებლოთ, რომელიც დაკავებულია

საბჭოთა ჯარების მიერ. წინამდებ საქართველოს და მოსკოვის მთავრობათ შორის დადებულ ხელშეკრულებისა. ეს რეზოლუცია მოითხოვდა ერთა ლიგისაგან საქართველოს საკითხის დასმას მისი თავისუფლების აღდგენის მიზნით.

შეთქვესმეტე საერთო კრება კმაყოფილებით აღნიშნავს, რომ ერთა ლიგას ორჯერ ჰქონდა მსჯელობა ამ საკითხის გამო (1922 და 1924 წ.წ.) და მიიღო დადგენილებანი, რომლებიც ავალებენ ლიგის საბჭოს, რათა თვალყური ადევნოს ამბებს და შესაფერ გაგრძელებაში დაეხმაროს საქართველოს ერთა თვითგამორკვევის უფლების განხორციელებისათვის. კრება იმედს გამოსთქვამს, რომ ერთა ლიგის დავალებას საბჭო კეთილად დაავიწყებინებს».

ჩვენმა წარმომადგენელმა ხ. შავიშვილმა ქენევიდან შემდეგი დეპეშა გამოუგზავნა ერთა ლიგის დამხმარე ასოციაციათა საერთაშორისო კავშირის გენერალურ მდივანს პერუბაში:

«გარემოებამ ხელი შემიშალა დავსწრებოდი საბჭოს კრებას. ვუგზავნი საბჭოს მხურვალე მადლობას იმ კეთილშობილურ რეზოლუციისათვის, რომელიც მიიღო მან უცხოელ მტარვალეებისაგან დაჩაგრულ ქართველ ერის სასარგებლოთ. ვმადლობ განსაკუთრებით შვეიცარიის ასოციაციას რაინდულ ინიციატივისათვის. ეს რეზოლუცია მით უფრო გამამხნევებელია, რომ დღეს საქართველოში კვლავ სისხლი იღვრება. დამსჯელი ჯარები გაუგონარ სიმხეცეს სჩადიან ბორჩალოსა და ყარაიხაში: ასობით დახვრიტეს სრულიად უდანაშაულონი ბავშვები და მოხუცები, მშვიდობიანი მცხოვრებნი სატუსაღოებში ჩაყარეს».

პ ა ტ ი კ ა ნ ი ს ო შ ი ც ი ა ლ ი დ ა ჩ ვ ე ნ ი ს ა კ ი თ ხ ი

ბოლშევიკების ახალმა გამოლაშქრებამ მებრძოლ საქართველოს წინამდებ უკვე გამოიწვია გამოხმაურება, როგორც საფრანგეთში, ასევე ევროპის სხვა სახელმწიფოებშიაც. ჩვენდამი მეგობრულათ განწყობილი საზოგადოებრივი ჯგუფები და ქურონალ-გაზეთები არა მალავენ თავის აღშფოთებას მოსკოვის ახალი ფანდების გამო.

თავისი სიმპატია შეუდრეკველ ერთმუჟა ქართველობას გამოუცხადა აგრეთვე ვატიკანის ოფიციალმა გაზეთმა «L'Osservatore Romano»-მ. მან დასტამბა ცალკე წერილი: «საქოთა სოციალისტური რესპუბლიკების უნიონი და საქართველო». ეს წერილი აღნიშნული გაზეთის 11 ნოემბრისთვის ნომერში იყო მოთავსებული მეორე მეთაურად. ამ აქტის დიდი მნიშვნელობა გასაგები უნდა იყოს, თუ მივიღებთ მხედველობაში მთელს ქვეყანაში გავრცელებულ ხსენებულ გაზეთის რეპუტაციასა და გავლენას.

«საფრანგეთმა—სწერს გაზეთი—იცნო ბოლშევიკური მთავრობა, როგორც ვიცით, ბატონ ჰერრი-

ოს სამინისტროს დროს 1924 წელში. საფრანგეთის მთავრობა მიუხედავად ამისა არ აპყვა სხვა სახელმწიფოების მაგალითს, რომელთაც უკვე ადრევე იცნეს ს. ს. რ. უნიონი de iure-თ თვინიერ ყოველგვარი შენიშვნისა.

ჰერრიოს მთავრობის მიერ დადებულ პირობათა შორის იყო აგრეთვე ისიც, რომ საფრანგეთის რესპუბლიკა საქართველოს ოკუპაციას წითელი ჯარის მიერ სთვლის უკანონო აქტად, რამაც დაარღვია ამ ქვეყნის საერთაშორისოთაც ცნობილი პოლიტიკური სუვერენიტეტი. ამისა გამო საფრანგეთის მიერ საბჭოთა სხელმწიფოს ცნობა არავითარ შემთხვევაში არა ვრცელდება საქართველოზე. იმ დროს ბოლშევიკების მდგომარეობა ისეთი არ იყო, რომ ისინი ჯიუტათ გამოჰდავებოდენ იმ სახელმწიფოებს, რომელნიც მათთან ხელშეკრულებებსა სდებდენ, ამიტომ ისინი იძულებულნი იქმნენ საფრანგეთის შენიშვნა მიელოთ.

მთელი ამ ხნის განმავლობაში საქართველო



წარდგენილი არის საფრანგეთში თავისი კანონიერი მთავრობითა, რომელმაც თავშესაფარი ჰპოვა საფრანგეთში მას შემდგომ, როცა საქართველო დაპყრობილ იქმნა წითელი მოსკოვის მიერ 1921 წელს. საქართველოს სრულუფლებიანი მინისტრი ბატონი ჩხენკელი ამჟამად ირიცხება საფრანგეთის მთავრობასთან მყოფ დიპლომატიურ კორპუსის სიაში.

კომუნისტები იძულებულნი გახდნენ დაეთმოთ ფრანგებისათვის, მაგრამ ეს მათ ხელს არ უმლიდათ საქართველოს საელჩოს წინააღმდეგ ეინტრიგათ; ისინი ყოველგვარ ზომებს მიჰპართავდნენ იმ მიზნით, რომ საქართველოს ნაციონალ მთავრობისათვის სახელი გაეტეხათ ფრანგების წინაშე; ამის გარდა ბოლშევიკები თვით ქართველებში ეწეოდნენ გამძრწუნელ პროპაგანდას და ამისათვის არ ერიდებოდნენ არავითარ ხარჯებს; ზოგიერთი ფრანგული გაზეთის საშუალებით (განსაკუთრებით «Humanité») კომუნისტები ლამობდნენ დაემტკიცებინათ, რომ საქართველო სრულყოფილად არის დაპყრობილი, არამედ თვითონ მოიწვიან რუსების წითელი ჯარი, და აი სწორედ ამიტომ საქართველოს წარმომადგენლობის არსებობას არა აქვს არავითარი რეზონი, ყველა ამ სირეგენისა და სისულელის გაბათილება არ წარმოადგენდა სიძნელეს და ამას მისდევდნენ იმდენად ქართველები კი არა, რამდენადაც თვითონ ფრანგები, რომლებიც პირუთვნელად ერკვევიან საბჭოთა საკითხებში. ბოლშევიკების ჭორი არაერთხელ განუბნევია როგორც წერიტ, ასევე სპეციალ მოხსენებებით საფრანგეთის ყოფილ ელჩს საქართველოში ბ. შვეალიეს.

ამის და მიუხედავად ბოლშევიკების ყოფილი ელჩი საფრანგეთში კრასინი (ესლა მკვდარი) განუწყვეტლივ იმის ცდაში იყო, რომ გაეუქმებინებინა ქართველი წარმომადგენლობა. კრასინის ხსოვნის წერიტში მოსკოვური გაზეთი «იზვესტია» სწერდა თავის დროზე, რომ მისი სიკვდილი დააჩქარა იმ გა-

რემოებამაც, რომ მან ვერ შესძლო მოესპო ეს ანტი-სოვეტური ცენტრი, მუშურ—გლეხური ხელისუფლების სახელის გამტეხი.

თავისი «კლიაუნსიკური» განძრავებები როცა ვერ გაუნაღდათ, ბოლშევიკები გადავიდნენ მათთვის უფრო სანუკვარ საშუალებებზე, რომლებსაც ისინი უფრო ამჯობინებენ მოწინააღმდეგესთან ბრძოლაში, როგორც—მოსყიდვა, ტერორი, და ებრევე სხვა ჩეკისტური თინები. წარსული წლის მიწურულში ბოლშევიკების ტერორის მსხვერპლი გახდა პარიზში საქართველოს ყოფილი შინაგან საქმეთა მინისტრი რამიშვილი, ერთი უაქტივესი ანტი-ბოლშევიკური მოღვაწეთაგანი, რომელსაც საქართველოში დამსახურებული ჰქონდა საერთო პატივისცემა. ბოლშევიკების მიერ აღნიშნული ქართველი მინისტრის მოკვლის გამო ყველა სახელმწიფოთა წარმომადგენლებმა (სულ ორიოდეს გამოკლებით) ვალათ მიითვალეს, გამოეცხადებინათ საქართველოს წარმომადგენლობისათვის საფრანგეთში თავისი სიმძიარე.

დროთა სვლაში, როცა ბოლშევიკებს მათ საერთაშორისო მუშაობაში მთელი რიგი პარადოქსალური მიხეჩებისა გამო, ბედი უფრო უღიმოდათ, ისინი იმ ზომამდე გათავსდნენ, რომ ზოგიერთ შემთხვევებში შეტევაზედაც გადავიდნენ და ხელი მიჰყვეს სასაცილო და უგუნურ მოთხოვნილებათა წარდგენას.

ასეთად უნდა მითვლილიყოს ამ წერიტში აღნიშნული მესამე ინტერნაციონალის მოსკოვის აგენტების ხელახალი მოთხოვნა საფრანგეთის მთავრობის სახელზე წარდგენილი, რომ 1) საქართველოს მთავრობა გაძევებოლ იქნეს საფრანგეთიდან და 2) საქართველოს საელჩო ამოშლილ იქნეს დიპლომატიურ კორპუსის სიიდან.

მაგრამ ნათ საქმეში ჯერ ფორტუნა არა სწყალობს,—ასე ათავენს წერიტს ხსენებული გაზეთი.

რ. ინვილო.

**შ ა რ თ ვ ე ლ მ უ რ ბ ლ ე ბ ს**

ბევრი ჭირი და შვეიწროვებაა ქართველ ემიგრაციაში—თუ ქაჩებრივი, თუ შორალური. სულიერი, პოლიტიკურიც. სამშობლოდან გარდმოხვეწილთა შორის ზოგნი ცოტაოდნად შეეგუნენ სინამდვილეს, ასეთუ ისე მოეწყენენ ეკონომიურად, მაგრამ მრავალი ისევე გარიყულია, მტკიცედ ფეხს ვერსად მოუყილია, მკვიდრი ლუკმა პური ვერ მოუპოვებია, დღეს აქა, ხვალ იქ, ხოლო ყველას მძიმედ აწევს უცხოეთში ყოფნა, სამშობლოს მოწყვეტა და იქ დარჩენილ ახლობლებთან ურთიერთობის გაძნელება. დაღსინებული ამ მხრივ არავინაა და სულ მცირე გამოწაკლისის გარდა, ყველას ფიქრი და გონება საქართველოსკენა მიქცეული და სიმჭარბით, თუმცა ღრმა რწმენით და იმედით, მოელის ამ ბედნიერი დღის ვათენებას, როცა ეღირსებათ განათვისუფლებულ საქართველოში თავისუფლად ამოსუნთქვა...

როდის მოხდება ეს? ვინაა ამის გამომცნობი! გონიერება მოითხოვს უარესის გათვალისწინებას, ე. ი. იმას, რომ ჩვენი გაჭირვებული ემიგრანტული არსებობა ხვალ არ დასრულდება, არამედ შესაძლებელია, მისი გახანგრძლივება და უნდა ვეცადოთ ამის მოლოდინში და ამის მიხედვით მოვაწყოთ აქაური ცხოვრება. რომ ბოლშევიკში დაეძნობა და საქართველო კვლავ აღსდგება, ეს უდავო დებულებაა. ეს აუცილებელია, გარდაუვალია, ამის შეჩერება არავის და არაფერს ძალუძს. საქართველოს ისტორია არ დასრულებულა, მისი ბედნიერების მზე არ ჩასვენებულა. პირიქით, ჩვენი სამშობლოს სრული აყვავების და გაშლის ხანა წინაა, წინ მოგველიან დიდების წლები. ერთ წუთსაც არ უნდა დავივიწყოთ ეს, რაიც სრულებით არაა სუბიექტური წადილის ნაყოფი, არამედ არის დასკვნა ობიექტური ფაქტების.



არ უნდა დავივიწყოთ ეს, რაც უნდა მოწამლული იყოს საქართველოს აწინდელი ვითარება.

და აი სწორედ ამის არდავიწყება, მუდამ გახსენება გვავალებს, ჩვენს ემიგრანტულ მდგომარეობასაც სათანადოთ მივუდგეთ. არავითარ მხრით არ უნდა წარმოვიდგინოთ თავი «გასაქცევად». არ გვარგებს, ისე ვიფიქროთ, რომ ჩვენი ემიგრანტობა წამიერია, დღესა, ხვალ აღარ იქნება და ამიტომაც არაფერზე არ უნდა ვიფიქროთ, არაფრისთვის უნდა ვიზრუნოთ, არა გავაკეთოთ რა. ნუ გავყვებით იმ აზრს, რომ დღეს გასაკეთებელი არა გვაქვს რა, გასაკეთებელი ხვალ გაკეთდება. ემიგრანტობის წარმავლობის იმედით, ნუ ავიღებთ ხელს ნურც ჩვენს ფიზიკურ საქმიანობაზე და ნურც სულიერზე. ღრმად შევფიქროთ, რომ დრო არ იცდის და რაც დღეს არ გაკეთდება, ხვალ უკვე აღარ გამოსწორდება. ამ ემიგრანტობაში ისე უნდა წარმოვიდგინოთ, რომ იგი გაგრძელდება და ყოველი ჩვენი საქმე ისე უნდა მოვაწყოთ და გავაკეთოთ, თითქოს არსად მივდიოდეთ, აქ ვრჩებოდეთ. დარწმუნებულნი უნდა ვიყოთ, რომ ამით საქართველოს საკითხს ოდნავად არ ვავნებთ და მის გადაჭრას საეჭვოდ არ გავხვებით.

პირიქით, რამდენად მტიკიცე რწმენა გვექნება ჩვენი განთავისუფლების ურყველობის და მისი მოახლოების, მით უფრო მეტიც ხალისით უნდა ვცვალოთ, რომ აწინდელი მდგომარეობა სავსებით გამოვიყენოთ ჩვენი უკეთესი მომავლისათვის. ამ მომავლისათვის სწორედ რაც შეიძლება უკეთესად უნდა შევინახოთ ჩვენი თავი ფიზიკურადაც და ზნეობრივადაც, და არა თუ შევინახოთ, არამედ რამდენად გარემოება ნებას მოგვცემს, განვავითაროთ, გავაუმჯობესოთ, რომ აღდგენილ და განახლებულ სამშობლომ მეტის უნარითა და ცოდნით ვემსახუროთ, ვიღრე ეს შეგვეძლო წინად...

ყოველივე ეს ბევრს რასმე გვავალებს ქართველ ემიგრანტებს და უნდა ითქვას სამწუხაროთ, რომ დღესაც ამ უკვე მეთერთმეტე წელზე დიდი სიფხიზლე და წინდახედულობა ვერ გამოვიჩინეთ. დღესაც დღეს-ხვალით ვცხოვრობთ და ჩვენი მდგომარეობა მეტად უსიამოვნო სურათს წარმოადგენს თავის ზერელობით და სიმჩაბით, ფუქსავატობით, დაუდევრობით.

განსაკუთრებულ ყურადღებას იპყრობს ქართველ ემიგრანტების ბავშვების ბედი, რომლებიც სრული

გადაგვარების გზაზე იმყოფებიან. არა სჩანს არავითარი პატივითა, არავითარი მზრუნველობა მათვის. ისინი იზრდებიან, ასაკდებიან უცხო სკოლაში, უცხო საზოგადოებაში, უცხო ბუნებაში, იმსჯელებიან უცხო ზნეჩვეულობით, ეთვისებიან უცხო ფსიქიკას და შეგნებას. მათ არ იციან ქართული ენა, დები და ძმები ერთმანეთში უცხო ენაზე ლაპარაკობენ, ქართულს გაუბიან, გაუბიან ქართველ ტოლამხანაგებსაც და ამჯობინებენ უცხოთა წრეში თამაშს და გართობას. წარმოდგენა არა აქვთ საქართველოზე, მის ისტორიაზე, მის ცხოვრებაზე. შეხვდებით ისეთ ქართველ ბავშვებსაც, რომლებიც უკვე ირონიულად იხსენიებენ საქართველოს და ქართული ენა მიაჩნიათ ჩამორჩენილობის და უკულტურობის ენად. შეიძლება გამოჩნდეს ისეთიც, რომელიც ბედნიერებად სთვლის ქართველობის სრულ დავიწყებას...

ამ საშინელს და ტრალიკულ მდგომარეობას ჩვენი მშობლები ძალიან მცირე ყურადღებას აქცევენ. თავის დღეს-ხვალით და გამქცევის პოლიტიკით (ზევით რომ მოვიხსენიეთ) ისინი ხელს უწყობენ თავის ნორჩი შვილების გადაგვარებას. ბევრი არ კმაყოფილდება იმას, რომ ბავშვები გარეთ უცხო ენაზე ლაპარაკობენ და საკუთარ სახლშიაც არა ქართულად ესაუბრებიან. ზოგი თავს იმით იმართლებს, რომ საშუალება არა გვაქვსო. ზოგი საქმეს იმით იადვილებს, რომ ბავშვები წამოიზრდებიან და მერე ისწავლიან ქართულსო. ძნელია ამაზე მეტი სიბეცის წარმოდგენა! ჩვენი მშობლების საქციელი პირდაპირ შეუწყნარებელია; შეუძლებელია მათი გამართლება; მათი მოქმედება პირდაპირ კრიმინალური დანაშაულია! ბევრი ჩვენი დღევანდელი დაუდევრობის გამოსწორება შეიძლება; ბევრი რამ, რასაც დღეს აქ არ ვაკეთებთ, შეიძლება მერე გამოკეთდეს. ხოლო ქართველი ემიგრანტული მოზარდ თავობის მერმე გამოკეთება არასოდეს მოხერხდება. ფიზიკური სიმახინჯე გამოსასწორებელია, მაგრამ სულიერად, მორალურად დამახინჯებული ბავში არასოდეს გამომთელდება! და თუ ადამიანის დამახინჯება არავის ევატიება, მით უფრო არ ევატიება მის მშობლებს.

ქართველო მშობლებო, ნუ ასახიჩრებთ თქვენს შვილებს, დროზე იფიქრეთ მათვის! იფიქრეთ, ვის ჩაუყვანთ სამშობლოს მომავალ მოქალაქეებად!

ს. ფირცხალაჯა.

მ ო ს კ ო ვ ი წ ი ნ ე თ დ ა ე ს ლ ა

XI.

დასკვნა ასეთია: ის განსაკუთრებით ელომენტები, რომლებიც ახასიათებენ რუს. რევოლიუციას და ანსხვავებენ მას დასავლეთის რევოლიუციებისაგან, წარმოადგენენ რუსეთის სახელმწიფოსა და საზოგადოების თანდაყოლილ თვისებებს. რუსეთის სახელმწიფო და საზოგადოება ისეთ განსაკუთრებულ პირობებში წარმოიშვა, რომლებმაც ხელი შეუწყვეს სახელმწიფოს აპარატის და მთავრობის ზედმეტ გაძლიერებას ერთის მხრით და წოდებისა და კლასე-

ბის სისუსტესა და საზოგადოებრივი ცხოვრების სიღარიბეს—მეორეს მხრით. რასაკვირველია მთავრობა და სახელმწიფო აპარატი სხვა ერების ისტორიაშიც დიდ როლს თამაშობდა, ერთგვარი ძალმომრეობის გამომხატველი იყო. მაგრამ დასავლეთში მათ ვერ შესძლეს საზოგადოებრივი მაჯის ცემის მოსპობა, როგორც ამას რუსეთში ქონდა ადგილი.

რუსეთში ამ ნიადაგზე წარმოიშვა შეხედულება, რომ მთავრობა ყველაფრის შემძლეა, ხოლო ხალხი მისი ბრძანების უბრალო აღმასრულებელი. ამავე



წინადაგზე აღმოცენდა «კრიტიკულათ მოაზროვნე პიროვნების თეორია», რომლის მიხედვითაც... გმირები ქმნიან ისტორიას, «ბრბო» კი ისტორიის უბრალო მასალაა. მანვე მოგვცა ლენინის «პროფესიონალური რევოლუციონერების თეორიაც», რომლებიც რევოლუციას აწყობენ და ხელმძღვანელობენ. რუსის ხალხმა ყველა ეს «ფილოსოფია» უბრალოდ ასე გამოხატა—ბატონი მოვა და ბატონი გავასამართლებსო.

პეტრე დიდი, «სამოუხკა» ეკონომისტი პოსოშკოვი, ნიკოლოზ I, სპერანსკი, ბაკუნინი, ნეჩაევი, მიხაილოვსკი და ლენინი. მიუხედავად მათი მსოფლმხედველობის სწვადანსხვაობისა, რუსის ხალხს ერთნაირად უდგებოდნენ და აფასებდნენ. ყველას მიაჩნდა «ამ უბედურ დღეზე გაჩენილ» რუსის ხალხთან თავისი გეგმა, ახტენს მის ზურგზე გამოცდებს და მოითხოვს მისგან შეთვისებასა და განხორციელებას. და როცა მათი გეგმა ობიექტური მიზეზების გამო ცხვრებდაში არ ხორციელდებოდა, გამოარტყებული ავტორები, მთელ თავის გულსისწყრომას რეპრესიების სახით ხალხს ატყენენ თავზე.

ამ მხრით მონარქისტი და ბოლშევიკი რუსის ხალხს ერთნაირად აფასებს. მათი შეხედულებით მისგან უნდა აშენდეს ისეთი სახელმწიფო, როგორც მათ მიანათ სასურველათ და არა ისეთი, როგორც რუსის ხალხის შესაძლებლობას შეეფერება. დაწყებული პეტრე დიდით და გათავებული სტალინით რუსის ერს ამოცანათ უსახავენ—«დაეწიოს და გაუსწროს ევროპას». მონარქისტიც და ბოლშევიკიც ფიქრობს, რომ იგი ამ ამოცანას შეასრულებებს ხალხს ზვიდან ტერორით, რეპრესიებით და ბიუროკრატიის საშვალებით. ვერც მოსკოვური სახელმწიფო, ვერც პეტერბურგული და ვერც საბჭოური ამ შეხედულებას ვერ გაშორდა. ეს არის ერთი უკიდურესობა.

ამავე წინადაგზე აღმოცენებულ მეორე უკიდურესობას წარმოადგენს ლ. ტოლსტოის ფილოსოფია—«ნუ წინააღმდეგები ბოროტებას» და «გაგლეხდი, გაუბრალოვდი». ლ. ტოლსტოის არ სწამს «გმირების ისტორია», მის თვალში არამც თუ ნიკოლოზ I და არაჩეევი, არამედ ნაპოლეონიც კი ისტორიულ მოვლენათა შემთხვევითი აღმასრულებელი პირია. ამიტომ მისთვის «დიდი პირების» გეგმები მხოლოდ სიბრყევეა და მეტი არაფერი, ხლო ამ გეგმების განსახორციელებლათ მიღებული რეზოლიუციები, კიდევ მეტ უგუნურებას წარმოადგენენ.

ლ. ტოლსტოი ხედავს, რომ რუსის გლეხს არ ძალუქს მასზე წარმოებულ ძალმომრეობას დაუპირდაპიროს შეკავშირებული ძალა და დაამარცხოს. ამიტომ იგი ბოროტების დამარცხებას მორჩილებითა და მოთმინებით ფიქრობს. ტოლსტოისათვის ცხადია, აგრეთვე რომ რუსის გლეხი ევროპას ვერ დაეწევა და მით უმეტეს ვერ გაუსწრებს. ამიტომ ევროპის კულტურას იგი უარყოფს და ხსნას «გაგლეხებაში» ხედავს. მაშინ, როცა მთელი კულტურული კაცობრიობა ცხვრებას იუმჯობესებს, იმოსება და ბუნების სიმდიდრეთა გამოყენებაში გიგანტურ ნაბრჯს სდგამს წინ, ტოლსტოი ამ დროს კა-

ცობრიობას ურჩევს—დაგლახდით და ტანს გაიძვრეთო.

აი ასეთი დიდი გავლენა მოახდინა რუსეთის სინამდვილემ გენიალურ მწერალზე. ტოლსტოის ფილოსოფია, ეს რუსეთის გლეხის, ე. ი. რუსის ერის 90 პროც. ეკონომური და პოლიტიკური, სიბეჩავის გამოხატულებაა.

რუსეთის ისტორიის გზაშარაზე მუდამ იდგა ორი ერთიმეორის დიამეტრალური მოწინააღმდეგე. ერთი მხრით ივანე მირისხანე, პეტრე დიდი, სპერანსკი, არაჩეევი, ნეჩაევი, ბაკუნინი, ლენინი და სტალინი და მეორე მხრით—ტოლსტოი და რუსის მასსა. მათი შეხვედრა ყოველთვის იწვევდა საშინელ სოციალურ—პოლიტიკურ ტკივილებს. დღემდის გამარჯვებული აქედან ყოველთვის პირველები გამოდიოდნენ, ვინაიდან მათ ზურგს უმაგრებდნენ «უშუკურიული» და «უხარული» ელემენტები, ანუ კლიუჩევსკის ენით, რომ ვთქვათ, «მუნდირში გადაცმული ანარქისტები».

რასაკვირველია, რუსეთის ისტორიაში მასსების ფართო მოძრაობასაც ქონდა ადგილი. მაგრამ, როგორც სამართლიანათ აღნიშნავს ჩიჩერინი, ეს მასსები როგორც მალე ჩივებოდნენ საზოგადო ასპარეზზე, ისე მალე ქრებოდნენ იქიდან და საზოგადოებრივი საქმეების ხელმძღვანელობას მთავრობას უტოლებდნენ.

ჩვენ ვფიქრობდით, რომ ყოველივე ეს იყო მონარქისტული რეჟიმის შედეგი და იგი მათ თან ჩაიტანდა საფლავში. ჩვენ დაგვაიწყადა, რომ თვით ეს რეჟიმი იყო ერთგვარ კულტურულ—ეკონომიურ—სოციალურ მოვლენათა შედეგი. როგორც ხსნას, ეს კვანძი რუსეთის რევოლუციამ ჯერ-ჯერობით ბოლშევიკური ხმლით ვერ გასჩეხა, ვფიქრობ. რომ იგი კიდევ უფრო დახლართა. თ. მასარიკი ამბობს: «რუსები, ისე როგორც ბოლშევიკები, არიან ცარიზმის ბავშვები; საუკუნოებით მათ ზრდიდნენ და ამუშავებდნენ ასეთათ. მათ შესძლეს მეფისაგან განათვისუფლებმა, მაგრამ მეფობისაგან თავის დახწევა ვერ მოახერხეს».

ბოლშევიკებს და რუსებს საერთოთ დღესაც მეფური ფორმა აქვთ. მიუხედავად იმისა, რომ მას პირუკულმა ატარებენ; შემთხვევით კი არ არის, რომ რუსს საერთოთ ჩექმის პირუკულმა გადაბრუნებაც ენერხებათ.

ამ რიგათ ჩვენ ვხედავთ, რომ ამოცანა, რომელიც ჯერ კიდევ პეტრე დიდმა დაუსვა რუსეთს, ენლაც გადაუჭრელია. გაეგრობილება ამ სიტყვის ფართო მნიშვნელობით. არ მოხერხდა, რევოლუციის მთავარ მიზანს. ეს შეადგენდა. მას უნდა გაეწმინდა რუსეთისათვის გზა ევროპისაკენ. ამის მაგიერ მივიღეთ მოსკოვისაკენ უკან დახვევა.

ზოგიერთები დამნაშავეთ ამაში ბოლშევიკებს თვლიან. რომ ლიუდენლორფის შტაბს ლენინი არ გამოეშვა რუსეთში, რომ ოქტომბრის რევოლუცია არ მომხდარიყო, ამბობენ ისინი, ყველაფერი კარგათ იქნებოდაო. ეს ზურელე მსჯელობა არის. საკმარისია ცოტათი ობიექტურათ განიხილო რევოლუციის პირველი ხანის მოვლენები, რათა დარწმუნ-



დე, რომ რუსეთში ოქტომბერი ისეთვე აუცილებელი იყო, როგორც თებერვალი.

რასაკვირველია თებერვლის რევოლუციამ, თუ შეიძლება ასე ითქვას «ევროპიული» იყო. იგი მიზნითაც და მეთოდითაც ევროპას უახლოვდებოდა. მისი მთავარი სუბიექტი იყო რუსეთის საზოგადოების სწორედ ის ნაწილი, რომელმაც ასე თუ ისე ევროპის კულტურა შეითვისა. თებერვლის რევოლუციის მიუხედავად კლასს, გლეხობას, ბურჟუაზიას და ინტელიგენციას, ხელმძღვანელობდნენ ის ელემენტები, რომლებიც რუსეთის გაევროპივლებას ისახავდნენ და რევოლუციის მიმართაც ამ გზით სურდათ.

მაგრამ რუსეთის რევოლუციის უბედურება იმაშია, რომ «გაევროპივებული» ნაწილი რუსეთის ერის 4-5 პროცენტს არ აღემატება, ხალხის ფართო მასები ამ კულტურის გარეთ დარჩნენ. თებერვლის რევოლუცია რუსეთის საზოგადოების მართლაც პირს შეეხო. ეს იყო რევოლუციის პირველი ნაბიჯი. ოქტომბრის რევოლუციამ საზოგადოების ქვედა ფენები მოიყვანა მოძრაობაში და საზოგადოებას «გაევროპივებული» ქვერც მოაცილა. ეს იყო რევოლუციის მეორე ნაბიჯი.

რუსეთის ხალხის ქვედა ფენებს არ შეუძლიათ ევროპიული რევოლუციის მოცემა არც თავისი მიზნით და არც მეთოდით. ეს რუსეთის ისტორიასა და ამ მასების ბუნებას ეწინააღმდეგება. თვით «ხაპანდნიკი» და მარქსისტი ლენინი ბოლოს და ბოლოს ამ მასების გავლენის ქვეშ დადგა და «აზიელი» გახდა. შემკვიდრეს მისი «აზიელი» სტალინი აღმოჩნდა. ეს რუსეთის რევოლუციის განვითარების ლოკია არის.

ამ ლოკიამ რუსეთის რევოლუცია მიიყვანა მოსკოვურ სახელმწიფოს სისტემამდის. ეს რევოლუციის მესამე ნაბიჯია. ამას შედეგათ მოყვა იმ კლასების საზოგადო ასპარეზიდან წასვლა და «მოხსნა», რომლებიც რევოლუციის პირველ ხანებში რუსეთს დაეპატრონენ. ამ შემთხვევაშიაც განმეორდა ის, რასაც საერთოდ რუსეთის საზოგადოებრივ მოძრაობაში ყოველთვის ქონდა ადგილი. აღდგენილი იქნა მოსკოვური საზოგადოებრივი ურთიერთობა.

ცხადია რუსეთმა ამას თავი უნდა დააღწიოს, თუ უნდა მას იარსებოს, როგორც კულტურულმა და სახელმწიფოებრივმა პიროვნებამ. მაგრამ როგორ და რა გზით, აი კითხვა, რომელიც თავსამტვრევ საკითხად არის გამხდარი ყველასთვის.

კონსერვატორი პ სტრუვე ამ ჩიხიდან რუსეთის გამოყვანას ფიქრობს ხალხის მასების ისევ მოძრაობაში მოყვანით. მათი «აშვენით». პ. სტრუვეს იმედი აქვს, რომ, როცა ეგი თავის მიზანს მიაღწევს და ბოლშევიკებს თავიდან მოიშორებს, მერმე ამ მასებს ისევ «დააბამს».

სოციალისტ მემარცხენე ფ. დანს ამ მასების «აშვეების» ემინია: იგი პესნიმისტურათ უყურებს მას და

ფიქრობს, რომ რუსის ხალხის ქვედა ფენების ამოდრავება კარგს არას უქადის რუსეთს. დანის პესნიმისმ რამდენიმეთ იზიარებენ რუსის დანარჩენი სოციალისტები და დემოკრატებიც. ეს პესნიმისმი საფუძველს მოკლებული არ არის. მაგრამ მოგვეხსენებათ «შიში ვერ იხსნის სიკვდილსა, ცუდია დაღრეჯილობა»-ო. ადრე თუ გვიან მასების სტიქიური ამოდრავება მაინც მოხდება. ამიტომ უმჯობესია მას ორგანიზაციული ხასიათი მიეცეს.

ჩემის აზრით მარტო მასების დარაზმვა და ხელმძღვანელობა არ არის მთავარი. თუ რუსეთის ერს მომავალ მოძრაობაში არ დაუსახენ გადასაჭრელათ ისეთი ამოცანა, რომელიც მის ძალას შეეფერება, ისე იგი ამ მოჯადოებულ წრიდან, თავს ვერ დაახწევს. თუ მომავალი მოძრაობა დადგა დიდი რუსეთის პლათფორმაზე, როგორც ამას თებერვლის რევოლუციის დროს ქონდა ადგილი, ან უტოპიურზე, ე. ი. რაც რუსეთის ხალხის ეკონომიური და კულტურული განვითარების შესაძლებლობას აღემატება, როგორც ეს ოქტომბრის რევოლუციის დროს მოხდა, იგი მიზანს ვერ მიაღწევს. ვერც თავისუფლებას მოიპოვებს. ვერც გაევროპივდება და სინამდვილეში ვერც ძლიერ იმპერიას შექმნის. განმეორდება ძველი ისტორია.

ამიტომ ვისაც რუსეთის ერისთვის მართლა კარგი სურს და ბოლშევიკებსავით არ არის შეპყრობილი «ბოდვური იდეებით», იგი უნდა განჭვირთოს ამა თუ იმ სახით ზედმეტი ჭვირთისგან, რომელიც პეტრე დიდმა და მისმა დემკვიდრებმა და ეს-ლაკი ბოლშევიკებმა, შეცდომით მოახვიეს რუსის ერს თავზე. ეს სრულებით არ ნიშნავს რუსეთის დაკარგვას და დაღუპვას, როგორც ეს განაცხადა ა. კერენსკიმ მისი საკავებულ მოხსენებაზე და რომლის შესახებ სამართლიანი შენიშვნა გაუკეთა სტიგანოვიჩმა. ეს ნიშნავს მხოლოდ მეფის იმპერიის «დაღუპვას», რომელიც წარმოიშვა და განვითარდა ისეთ ნიადაგზე და ისეთ შეუსაბამო პირობებში, რომ უწინარეს ყოვლისა თვით რუსეთის ერისთვის გახდა უბედურებათ.

შეიძლება მე ვცდები, მაშინ შეცდომათ უნდა ჩაითვალოს რუსეთის მთელი ისტორიაც, მაგრამ მე მაინც გულწრფელათ ვფიქრობ, რომ რუსეთის ერი მხოლოდ ასეთი «განჭვირთვის» შემდეგ შესძლებს მთელი თავისი შემოქმედებითი ძალების ამუშავებას-დემოკრატიული წყობილების დამყარებას და ევროპისა და ამერიკის დაწვავა.

ამ ეამად კი რუსეთში დემოკრატიისათვის, როგორც მატერიალური, ისე სულიერი პირობები სუსტია. და თუ რუსეთში კონტრრევოლუციამ გამარჯვა, იქ დაბრუნდება არა ევროპიული თვითმკრობელობა, როგორც ეს ზოგიერთს გონია, არამედ მოსკოვური ჩვენი დროის ივანე მრისხანე, ჩეკის სარდაფებში აღზრდილი ოპრიჩნიკებით.

ჩენია.

კაკი.

სა ს ლ ე ზ - მ ი ც ე მ ო კ ა რ ს კ ე მ ტ ი ვ ე ბ ი

(ანმეტელის თეზისების გამო)

«დამოუკიდებელი საქართველო»-ს აგვისტოს თვის ნომერში მოთავსებული წერილი გერმანიაში საქართველოს წარმომადგენლის ბ-ნ ვლ. ახმეტელის მიერ («ჩვენი უპირველესი ამოცანა»), იპყრობს განსაკუთრებულ ყურადღებას ჩვენს პირობებში. სასურველი იქნებოდა რასაკვირველია, რომ ბ-ნ ვლ. ახმეტელს საკითხის დასმასთან ერთად, მისი შეხედულებებიც მოეცა, მომავალ საქართველოს სამეურნეო ცხოვრების მოწესრიგებაზე. მაგრამ ეს მაინც არ ვნებს იმ დიდ ინტერესს, რომელიც ამ საკითხის დასმით არის გამოწვეული.

ჩვენი ემიგრაცია იმყოფება მუშაობისათვის შედარებით თავისუფალ და ხელშეუხლებელ პირობებში და ამიტომ მას ევალება ამ მიზნისათვის ზრუნვა-ო, ამბობს ბ-ნი ახმეტელი.

ზემოთ მოხსენებულ წერილში ის გამოთქვამს სურვილს, რათა შესწავლილ და განსჯილ იქნას საქართველოს მეურნეობის ყოველი დარგი ცალცალკე როგორც არიან: სასოფლო მეურნეობა, სამოქალაქო სამრეწველო დარგი, ვაჭრობა (როგორც საშინაო, ისე საგარეო) და სხვადასხვა. ამ საკითხთა შორის დიდ ინტერესს იწვევს საქართველოს ვაჭრობა და კერძოდ საგარეო ვაჭრობა, რაზედაც ვბედავ შევაჩრო მკითხველის ყურადღება.

საქართველოს საგარეო ვაჭრობის შესწავლისათვის და მისი მომავალი გეგმის ასაგებათ, უსათუოდ საჭირო არის მოკლე ანალიზი მაინც მეურნეობის იმ დარგთა, რომელნიც სდებიან საგნებათ ამ საქმიანობისათვის. იშვიათია ისეთი პატარა ქვეყანა იმდენ სამეურნეო დოვლათით, როგორც საქართველო არის. ეს დოვლათი საქართველოში გვევლინება სულ სხვადასხვა ადგილას და რაც უფრო მნიშვნელოვანია, სულ სხვადასხვა სახით. ამიტომ საჭირო არის ცალცალკე შესწავლა იმ სამეურნეო დოვლათთა მაინც, რომელნიც არიან ბაზა საქართველოს საგარეო ვაჭრობისათვის. ამ მხრივ ყველაზე მეტად მნიშვნელოვანი და საყურადღებოა საქართველოს მარგანეცი მისი მსოფლიო მნიშვნელობით და უღვევლი მარაგით, რომელიც არის გადაშლილი 125 კვ. კილომეტრის სივრცეზე. თავისი ღირსებით ეს მარგანეცი არის საუკეთესო შედარებით ყველასთან, რომელნიც მოიპოვებენ დედამიწის ზურგზე. ამასთანავე არც ერთ ადგილას, სადაც ის მოიპოვება, არ არის ის იმ რაოდენობით როგორც საქართველოში, რომ შესძლოს მოთხოვნილების ერთბაშად დაკმაყოფილება. ამიტომ უჭირთ სხვა ქვეყნის მარგანეცებს საქართველოს მარგანეცთან კონკურენცია; სწორედ ამიტომ არის კაპიტალისტების გულისყური აქეთკენ მოქცეული ამ დოვლათის ხელში ჩასაგდებათ.

საქართველოს მარგანეცი შეადგენს ძალიან დიდ პროცენტს მარგანეცის მსოფლიო მოხმარებისას. ამ სურათს შემდეგი ცხრილი გვიჩვენებს:

წლები	ათას ფუთებში.		
	მსოფლიო მოხმარება	ექსპორტი საქარ-დან	პროც. საქარ. მარგ. მოხმარ.
1909	94.725	35.089	37.0
1910	122.036	39.636	32,5
1911	127.082	37.511	29,5
1912	148.012	55.834	37,7
1913	174.028	65.827	37,8

ამ ცხრილიდან ნათლად სჩანს, დუ რამდენად დიდია საქართველოს მარგანეცის მონაწილეობა მის მსოფლიო მოხმარებაში. საშუალოდ ის უდრის 35.0 პროც. ამ მდგომარეობის უფრო ნათლად გასათვალისწინებლად შევადაროთ მისი ამოღება და ექსპორტი სხვა ქვეყნების მარგანეცის ამოღებას და ექსპორტს.

წლები	მარგანეცის ამოღება (ათას ფუთებში)		
	ინდოეთი	ბრაზილია	საქართველო
1909	39.846	14.928	36.506
1910	49.656	15.759	33.805
1911	41.711	10.784	28.635
1912	26.255	9.602	35.325
1913	41.808	10.137	59.188

საქართველოს მარგანეცს უკანასკნელ ხანებში გაუჩნდნენ კიდევ ახალი კონკურენტები როგორც არის ოქროს ნაპირი (აფრიკა) და ეგვიპტე. ესენი საკმაო ძლიერი კონკურენტები არიან და ამიტომ უსათუოდ გასათვალისწინებელია მათი მნიშვნელობა.

რაც შეეხება მარგანეცის საერთო ექსპორტში სხვადასხვა ქვეყნების მონაწილეობას, ამას გამოხატავს შემდეგი ცხრილი:

წლები	მარგანეცის ექსპორტი (ათას ფუთებში)		
	ინდოეთი	ბრაზილია	საქართველო
1909	28.971	14.228	35.088
1910	36.414	15.759	39.636
1911	34.326	10.784	37.510
1912	38.553	9.602	55.834
1913	47.887	7.565	65.827

აქედან ვხედავთ, რომ მარგანეცის ამოღების საქმეში 1912 წლიდან საქართველომ დაიჭირა პირველი ადგილი; ხოლო მის ექსპორტში, ომის წინა ხუთი წლის განმავლობაში საქართველოს ეჭირა მუდამ პირველი ადგილი. ის აკმაყოფილებდა თითქმის მთელ მსოფლიო მოხმარების ნახევარს. მისი ფაუნტიც ნაკლები იყო შედარებით სხვა ქვეყნების მარგანეცის ფასებთან, მიუხედავად იმისა, რომ მისი წარმოება იყო ნაკლებად მოწყობილი შედარებით სხვებთან. რაიმე გაუმჯობესება ამ მხრივ მნიშვნელოვან ცვლილებას შეიტანს მის სასარგებლოთ.

გარდა შავი ქვისა საქართველოს მოვლავება კიდევ დიდი მარაგი აგრეთვე მნიშვნელოვანი დოვლათისა—ქვანახშირის ბუღბუღები ტყეებულში, ტყვარჩელოშა და შედარებით ნაკლები რაოდენობის გელათში. ზემოთ ხსენებულ რაიონებში მისი მარაგი გამოიხატება დაახლოებით შემდეგ ციფრებში:





ტყვიბულის 6 მილიარდი ფუტი  
 ტყვარჩელის 12,5 „ „  
 გელათის 50 „ „

ამ მხრივ სამრეწველო მნიშვნელობა მხოლოდ ტყვარჩელის და ტყვიბულის ქვანახშირს აქვს, რასაც ადასტურებს ის ინტერესი, რომელიც გამოიჩინეს ევროპის კაპიტალისტებმა განსაკუთრებით ტყვარჩელის ქვანახშირის მიმართ. ამ ქაზად ამუშავენ მხოლოდ ტყვიბულის მაღაროებს. მისი ამოღების რაოდენობა განისაზღვრება შემდეგი ციფრებით:

წელი	მილიონ ფუტი
1909-1913 წლ. საშუალოდ	3.5
1913	4.4
1914	3.9
1915	4.5
1916	3.6
1917 წლის ცნობები არ არის.	
1918	3.4
1919	2.2
1920	4.8
1921	4.6
1922	2.6

ტყვარჩელის ქვანახშირი უფრო უკეთეს პირობებშია, ვიდრე ტყვიბულის. მის ექსპლოატაციის შესახებ 1920 წელში არსებობდა მოლაპარაკება ევროპის სხვადასხვა ფირმებთან და მუშავდებოდა საკონცესიო ხელშეკრულება. კონცესიონერი უზრუნველყოფოდა დადებულ ხელშეკრულებას. რაც ამტკიცებს მის სერიოზულ სამრეწველო მნიშვნელობას.

ქვანახშირი მოიპოვება აგრეთვე მცირე რაოდენობით საქართველოს სხვადასხვა კუთხეებში.

ალსანიშნავია აგრეთვე საქართველოს ტყე, რომელსაც უკავია დაახლოებით ორ მილიონ ნახევარი დესიატინამდე სივრცე. ომის დაწყებამდე საქართველოდან გაჰქონდათ დაახლოებით 742 ათასი ფუთი საღმშენებლო ტყის მასალა წელიწადში. მრავალი ტყის მასალა ისპობოდა და ისპობა დღესაც საქართველოში მისი არარაციონალური წარმოების გამო. ამიტომ მას მომავალში სჭირდება მეტი დაცვა და ყურადღება. ის მისცემს საქართველოს დიდ შემოსავალს წესიერი ექსპლოატაციით და შესაფერისი ბაზრების აღმოჩენით.

ძალიან დიდი მნიშვნელობის არის აგრეთვე მეაბრეშუმეობა, რომელსაც საქართველოში დიდი ხანია ეწევიან. ეს საქმიანობა საქართველოში წარმოადგენს ოჯახის დამხმარე საქმეს. ის ადვილად შესათავსებელია გლეხის მეურნეობასთან, მის დაუზიანებლად. ამ საქმიანობაში იყენებენ განსაკუთრებით ქალების, მოხუცებულების და ბავშვების შრომას. ომამდე საქართველოში ნედლი პარკის მოსავალი 100-105 ათას ფუთამდე აღწევდა. ერთი მისი ნაწილი გაჰქონდათ განსაკუთრებით მარსელში და მილანში; დანარჩენი კი მიქონდათ მოსკოვში, როგორც საქართველოდან ისე ამიერ კავკასიის დანარჩენ კუთხეებიდანაც. როგორც ვთქვით, ომამდე საქართველოდან გაჰქონდათ დაახლოებით 100 ათასი ფუთი ნედლი ანუ 32 ათასი ფუთი ხმელი პარკი, რაც შეადგენდა 1.600.000—1.900.000 მან. ოქროთი. აქედან გასაგებია თუ რაოდენ დიდი მნიშვნელობა ექნება საქართვე-

ლოს საგარეო ვაჭრობისათვის საქართველოს აბრეშუმის პარკს.

საქართველოს სახალხო მეურნეობის შესწავლის დროს განსაკუთრებულ ყურადღების ღირსია თავისი დიდი მნიშვნელობით საქართველოს თამბაქო, როდესაც იხსენიებენ ამიერ კავკასიის თამბაქოს, ამაში იგულისხმება თითქმის მხოლოდ საქართველოს თამბაქო.

მისი მოსავალი საქართველოში უდრიდა:

წლები	მოსავალი ათას ფუთებში
1910	675,9
1911	615,8
1912	501,1
1913	555,4
1914	800,6

ამიერ კავკასიის დანარჩენ ნაწილებში კი მოდიოდა:

წლები	მოსავალი ათას ფუთებში
1910	32,2
1911	22,5
1912	39,3
1913	33,1
1914	57,4

საქართველოს თამბაქოს ერთი ნაწილი გაჰქონდათ ძველად რუსეთში, ხოლო მეორე ნაწილი ეგვიპტეში, რომელიც აწვდიდა მსოფლიო ბაზარს ქართული თამბაქოს საუკეთესო ხარისხს. საქართველოს თამბაქოს მნიშვნელობა ძალიან დიდია. ის ადვილად უწევს კონკურენციას მსოფლიო ბაზარზედ გამოტანილ საბურძნეთის და ბულგარეთის საუკეთესო ხარისხის თამბაქოებს.

ზემოთხსენებული სამეურნეო დოვლათთა დახასიათება საკმარისი მასალა არის იმისათვის, რომ გავითვალისწინოთ, თუ როგორის ღირსებით შეუძლია აწარმოოს საქართველომ საგარეო ვაჭრობა. ამით გარდა მოიპოვებიან საქართველოში მთელი რიგი სამეურნეო დოვლათებისა, რომლებსაც ასეთივე ღირსებით შეუძლიათ გახდენ საგარეო ვაჭრობის საგნებად. ზოგიერთი მათგანი უკვე გამოვიდა მსოფლიო ბაზარზედ. სამკურნალო მცენარეები, რომლებიც უხვად მოიპოვებიან საქართველოში—ესენი ხომ საგარეო ვაჭრობის საგნებია. საქართველოს მატყლი, ტყავის ნედლეული, სხვადასხვა მინერალური წყლები, სუპტროპიკული კულტურები (მანდარინი, ფორთოხალი, დაფნის ფოთოლი), ჩაი, ღვინო და სპირტის ნაწარმოები, ბალ-ბოსტინის ნაწარმოები, ჯაგარი, შინამრეწველობის სხვადასხვა ნაწარმოები, მინერალები და სხვა და სხვა—ხომ ყველა საგარეო ვაჭრობის საგნებია. ამათი მოსავალი საქართველოში დიდათ აღემატება მის მოხმარებას და მათი საშუალებით საქართველოს შეუძლია დიდი სარგებლობის მოპოვება.

ესლა მეტად საინტერესო ის არის, თუ როგორ უნდა იყოს მოწყობილი საქართველოს საგარეო ვაჭრობა. ქართველ ხალხზედ იძულებით მოხვეული ბოლშევიკური ხელისუფლება ადრე თუ გვიან, ნებით თუ უნებლიეთ უნდა გაჰქრეს და მისი ადგილი ქართველი ხალხისათვის სასურველმა ხელისუფლებამ უნდა დაიკავოს. დიან ბოლშევიკში გაჰქრება და მას

თან გაჰყვებიან მის მიერ შექმნილი ატრიბუტები, როგორც პოლიტიკურ, ისე სამეურნეო ცხოვრებაში. ამ დროს საქართველოს მეურნეობა ვერ ასცდება იმ კრიზისს, რომელსაც ეს ხელისუფლება დაუტოვებს. საქართველოს საგარეო ვაჭრობა როგორც ერთი ნაწილი მისი სამეურნეო საქმიანობისა, ჩივარდება ამავე კრიტიკულ მდგომარეობაში. სამაგიეროდ დარჩება თავისუფლება საგარეო ვაჭრობაში, რომელიც შექმნის ცალკალკე გაერთიანებებს სააქციო საზოგადოებების საფუძველზე და ეს დაეპატრონება საქართველოს საგარეო ვაჭრობას ერთის მხრით. მეორე მხრით კი საქართველოს შერჩება მის გასაბჭოებამდე შექმნილი საქართველოს კოლპერაცია, რომელიც საბჭოთა ხელისუფლებამ სახელმწიფოს

ერთერთ აპარატთა აქცია. საქართველოს თავისუფალი კოლპერაცია ჩაებმება ამ საქმიანობაში და გახდება ერთერთ აგენტად საქართველოს საგარეო ვაჭრობისა.

ამავე დროს საქართველოს თავისუფალი ვაჭრობის სისტემაში შეიძლება მოხდეს პატარა გადახრა სახელდობრ: ზოგიერთი დოვლათები მისი განსაკუთრებული ხასიათის გამო შეიძლება დროებით მაინც გახდეს სახელმწიფო მონოპოლიის საგნებათ ასეთები არიან: თამბაქო, სპირტი და სხვა.

ამგვარ მაგალითებს ჩვენ დღესაც მრავალს ვხვდებით ევროპის სხვადასხვა სახელმწიფოებში, სადაც არსებობს თავისუფალი ვაჭრობის სისტემა.

გოტიკლაძევილი.

**საქართველოს ისტორიის მოკლე მიმოხილვა**

სახელმწიფო წესწყობილების მხრივაც საქართველომ ამ ხანაში თვალსაჩინო იურიდიული შემოქმედება გამოიჩინა. სამეფოს სათავეში თუმცა მეფე იდგა, მაგრამ მთავრობაც და მინისტრთა საბჭო და სახელმწიფო დარბაზიც არსებობდა, რომელნიც მეფის უფლების თანამზიარენი იყვნენ ვითარცა მისი თანაგამზრახნი. მინისტრთა ყოველთ უპირველესს, რომელიც იმავე დროს მწიგნობართუხუცესი იყო და ჰყოზდიდელ მთავარეპისკოპოსადაც ითვლებოდა, ისეთი მნიშვნელობა ჰქონდა, რომ იმის დაუკითხავად საქართველოს მეფეს არაფრის გადაწყვეტა არ შეეძლო. მინისტრთა უპირველესი მთელ სახელმწიფოს საქმეში საზოგადო ხელმძღვანელი იყო. მს. სახელმწიფო საკონტროლო დაწესებულება და სახელმწიფო მდივან სამწიგნობრო ემორჩილებოდა, როგორც მეფეს მის დაუკითხავად არც ერთი პასუხსაგები ნაბიჯი არ უნდა გადაედგა, ისევე მწიგნობართუხუცესს და ვაზირთა ყოველთა უპირველესს რთულ საკითხებში მეფის დასტუტი უნდა მიეღო.

საქართველოს სახელმწიფოში 4 ვაზირი იყო თავდაპირველად: მწიგნობართ-უხუცესი და ვაზირთა უპირველესი, ამირსპასალარი ანუ სამხედრო მინისტრი, ფინანსთა მინისტრი ანუ მეყურძნულე უხუცესი და მანდატურთ უხუცესი (ობერ ცერემონიამასტერი) და სასახლის მინისტრი. შემდეგ კიდევ ერთი მინისტრი იყო შეყვანილი თამარ მეფის მიერ მინისტრთა საბჭოში და მეცამეტე საუკუნის შუაგულში მეექვსე მინისტრიც მიემატა. მინისტრთა საბჭოს გარდა საქართველოში სახელმწიფო დარბაზი არსებობდა. რომლის წევრებადაც იყვნენ ყველა მინისტრები, ერისთავთ ერისთავები, ტფილისის ამირთა-ამირი, კათალიკოსი, ეპისკოპოსები, დასასრულ დიდ გვარეულობის და დიდვაჭრების წარმომადგენელნიც.

მეთორმეტე საუკუნეში ქართველმა ერმა თავისი ყოფაცხოვრებაც დიდად დააწინაურა. მის წარმატებულ ადამიანურ საზოგადოებრივობას ამჟღავნებდა დიდებული თამარ მეფის უფაქიზესი უფლებრივ-ზნობრივი შემეცნება, რომლის საუკეთესო გამოხატულებად ერთის მხრით სიკვდილით დასჯისა და

ყველა დამასახიჩრებელ სასჯელების ამ ოკვეთა უნდა ჩაითვალოს. მეორეს მხრით ღარიბ-ღატაკთა შესახებ სახელმწიფოს მზრუნველობა; ამათი ქაწებრივი დანმარებისათვის საქართველოს სამეფოს მთელი შემოსავლის 10 პროც. იყო ხოლმე ყოველ წლიურად გადადებული.

ამავე ხანაში ქართული სამეცნიერო. საისტორიო და მხატვრული მწერლობაც უხვად გაიფურჩქნა. მეცნიერთა და ფილოსოფოსთა შორის ისეთი გამოჩენილი პირები ბრწყინავდნენ, როგორიც იყვნენ იოანე პეტრიწი ჩუალაატ რეზობის მქადაგებელი მეცნიერი ფილოლოგოსი და კომენტატორი. ეფრემ მცირე, რომელიც იმავე დროს სამაგალითო მკვლევარი ისტორიკოსი იყო და არსენი იყალთოელი. ამ დროს შეიქმნა ქართული ორიგინალური საფილოსოფიო მწერლობაც. საისტორიო დარგში ისეთი შესანიშნავი თხზულებები იყო დაწერილი როგორიც ჩიკოლოზ კათალიკოსის, დავით აღმაშენებლისა და თამარ მეფის ისტორიკოსების ნაწარმოებებში.

განსაკუთრებით აღსანიშნავია ხელნაწების უაღრესი განვითარება, რომელმაც მუსიკაში ისეთ საფერებრებადმის მიალწია, რომ სამუსიკო შემოქმედება ცალკე, საგანგებო დარგად იქცა. სიტყვების შეთხზვა და ჰანგის დაწერა იმ დროს უკვე ორი ერთიმეორისაგან განცალკევებული შემოქმედების დარგები იყო და როდესაც ჰსურდათ, რომ სიტყვებისთვის სავალბებელი ჰანგიც ყოფილიყო შეთხზული და დაწერილი. მაშინ ამაში დახელოვნებული და ცნობილი პირებისათვის უნდა მიემართათ. მეთორმეტე საუკუნეში ვითარცა სასულიერო მუსიკის კომპოზიტორი იოანე კათალიკოსი ყოფილა განთქმული.

აღმოსავლეთის ქრისტიან ერთა შორის მხოლოდ ქართველებმა შესძლეს ასე ადრეულ—სამუსოლ საუკუნეებში მხატვრულ მწერლობის, საერო პოეზიის შექმნა: არც ბიზანტიელებს, არც სომხებს, არც ასურელებს მაშინ არაფერი ამის მსგავსი არ ჰქონდათ. სპარსულ მწერლობით აღფრთოვანებულმა ქართველებმა ჯერ მეთერთმეტე საუკუნის თარგმანებით და მიმბაძველობით დაიწყეს, შემდეგ სადარბაზო შესხმე-



ბის წერასა და ისტორიულ პოემების შეთხზვას შეუდგენ. თამარ მეფის დროს მხატვრულ პოეზიას საქართველოში უკვე რამდენიმე ცალკე დარგები ჰქონდა და წარმომადგენლებიც ჰყავდა. ქართული იმდროინდელი საზოგადოების მაღალხარისხის მატარებელი განვითარება და ფაქიზი გემოვნების წარმონაღებად გამოჩინილი ქართული ვერსიონები ქართრისა და მესობის ჩანრუხების თხზულებებიც საკმარისია აღამიანმა რომ გადაიკითხოს. მაგრამ ქართული მხატვრული შემოქმედების მშვენიერება გენიოს შოთა რუსთაველის განთქმული პოემა «ვეფხისტყაოსანი», რომელშიც ქალის რაინდული და პლატონური სიყვარულისა და თავყანისცემის აღფრთოვანებული ქადაგებაა. გასაოცარი შემოქმედებითი აღმაფრენით გამსჭვალული ეს პოემა იმავე დროს აღამიანის და ცხოვრების დაკვირვების ისეთ ბრძნულ სიღრმეს შეიცავს, რომ შოთა რუსთაველს მარგალიტივით ასხმულ ლექსებში გამოთქმული მრავალი აზრები შემდეგ ხალხურ ანდაზებად იქცენ და ყოველ ქართველს შეთვისებული აქვს. «ვეფხისტყაოსანის» ავტორი ქართულ სიტყვისა და ლექსის სწორუბოვარი ხელოვანი იყო. ამასთანავე მისი ლექსები ყოველთვის ავტორის აზრებისა იმდენად სრული, ძლიერი და მკაფიო გამოხატულებაა, რომ მთელი ნაწარმოები და ქართულ პოეზიის შეუდარებელ, შთამომავლობისთვის სამაგალითო, მაგრამ მაინც მიუწოდებელ განძად იქცა.

აზიისა და ევროპის საზღვარზე მყოფმა ქართველმა ერმა იმდენი სულიერი და გონებრივი სიღრმე, სიფართოვე გამოიჩინა, რომ აღმოსავლეთის იმდროინდელი კულტურის საუკეთესო გამოხატულობის სპარსულ-არაბული მხატვრული მწერლობის შეთვისება და შეყვარება შესძლო. უადრესად ქრისტესმოსავი ქართველი ერი სტკებოდა სპარსულ-არაბულ ხელოვნების მშვენიერ შემოქმედებით, ისევე როგორც თვით მკვიდრი მაჰმადიანი სპარსელი და არაბი. იმავე დროს დასავლეთიდან ბიზანტიური რენესანსის ცხოველყოფილმა სიომ დაჰბერა. ძველი ბერძნული წარმართული ხანის საისტორიო, მხატვრული და საფილოსოფიო ძეგლების შესწავლა დაიწყო და ამ ნიადაგზე საქართველოში ელინურობა აღმოცენდა. ბიზანტიის ეს უმშვენიერესი მონაბერი მან არამც თუ შეითვისა, არამედ თვითონაც, თავის საუკეთესო შვილების პირით ამ მოძრაობის ნაყოფიერი მონაწილე გახდა. თავის სამშობლოში კი ეს მიმართულება აღმოსავლეთის გონებრივ საუნჯის ნაკალულით გააპოხინა და გაამრავალფერადა. ამის წყალობით მან შეითვისა საბერძნეთიდან ის, რაც არც ერთს მაშინდელ აღმოსავლეთის მაჰმადიანის ერს შეთვისებული არა ჰქონდა, და შეძენილი ჰქონდა აღმოსავლეთისაგან ის, რაც მაშინდელ ბიზანტიას აკლდა: აღმოსავლეთის მრავალფერადი, მშვენიერი ხელოვნებისა და კულტურის განძეულობა. მაშინდელი განათლებული საბერძნეთი ისეთი დაუცხრომელი, ბრმა და მედიდური მძულვარებით იყო გამსჭვალული მაჰმადიანობისადმი, რომ მისი თვალი აღმოსავლეთის ისლამურს მშვენიერს კულტურასა და ხელოვნებას ვერ ხედავდა და სპარსეთის მომხი-

ბლავ, მდიდარ პოეზიისთვისაც ყურები დახშული ჰქონდა.

ქართველობას არასდროს სარწმუნოებრივი მიუღვაკრება ხასიათად არ ჰქონია. მისი მომთმენლობა ამ მხრით ყველა უცხოელ მწერალს აქვს აღნიშნული, როგორც ძველ დროსა, ისე შემდეგ საუკუნოებშიაც, არაბთა ისტორიკოსები მოგვიტყობენ, რომ მეფე დავით აღმაშენებელი, რომელიც ქრისტიანობისადმი განუსაზღვრელი ერთგულების მიუხედავად ყურანის ღრმა მცოდნე ყოფილა, ისე კარგად და ეგოდენის პატივისცემით ეპყრობოდა საქართველოში მცხოვრებ მაჰმადიანებს, რომ თვით სამაჰმადიანო სახელმწიფოებშიაც კი ამგვარი მდგომარეობა სანატრელი იქნებოდა. მაგრამ ქართველთა სარწმუნოებრივი მომთმენლობის დამამტკიცებელ საუკეთესო საბუთად ისიც კმარა, თუ გავიხსენებთ, რომ თამარ მეფის დროს ერთ რთულ იურიდულ საკითხის გადასაწყვეტად, რომელიც ორ სომეხთა მონასტერს შორის ატეხილმა დავამ წამოაყენა, საქართველოს მთავრობის მიერ შექმნილ სავანებო სამსახულში თანასწორ-უფლებიან წევრებად მოწვეული იყვნენ როგორც ქართველთა ეკლესიის და სომეხთა ეკლესიის წარმომადგენლები. ისევე გამოჩინილნი მაჰმადიანთა სჯულის მეცნიერნი, ტფილისისა, ანისისა და დვინის ყადები და შეიხები. ამაზე შორს წასვლა შეუძლებელი იყო.

ყველაფერი მომავალში საქართველოს უფრო მეტს გაძლიერებასა და დაწინაურებას უქადდა. საქართველოს სახელმწიფოს ძლევა მოსილებისა და ბრწყინვალეების ხმამ დასავლეთ ევროპადისაც მიანლია. რომის პაპმა საქართველოს მეფეს, დიდებულ თამარ მეფის შვილს ლაშა გიორგის ეპისტოლე გამოუგზავნა, რომელშიაც სთხოვდა მასაც საქართველოს სახელოვან ჯარითურთ ჯვაროსანთა ომში მონაწილეობა მიეღო. ქაბუკ მეფის რაინდულ სულის დიდი ხანია თავისთავად ეს აზრი იზიდავდა, და როცა რომის პაპისგანაც წერილი მოუვიდა, მაშინ მან თავისი დასტური და თანხმობა შეუთვალა და დაუცონებლივ ჯვაროსანთა ომში მონაწილეობის მიღებისათვის სამხადისს შეუდგა. ამ აზრით გატაცებულ ბული ლაშა გიორგი ცაცხარებულ მხადებანში იყო, რომ ერთმა სრულუბით მოულოდნელმა გარემოებამ მთელი ეს გეგმა დაამსხვრია და საქართველო უუდიდეს განსაცდელში ჩააგდო.

დასავლეთ ევროპასთან შედარებით აღმოსავლეთი იმით იყო უბედური, რომ იმდროს, როდესაც ევროპის ხალხთა დიდ გადმოსახლების შემდგომ უკვე აღამიანთა მოძრაობის სტიქიური ძალა აღარ უნახავს, და მისი მყუდრო ცხოვრება და კულტურული განვითარება ამგვარ შემოსევის ტალღებს აღარ წაუეღკავას, აღმოსავლეთი, განსაკუთრებით სპარსეთი, მკირე აზია და კავკასია საუკუნეთა განმავლობაში ამგვარი გამანადგურებელი სტიქიონის მსხვერპლი მრავალჯერ ყოფილა და ამის გამო მის სახელმწიფოებრივ და კულტურულ ცხოვრების განვითარების ბუნებრივი მიმდინარეობა არა ერთხელ შეწყვეტილა.



მონღოლთა შემოსევა, საქართველოს დაქვეითება და დანაწილების დაწყება.

1221 წ. მთულოდნელად საქართველოს სრულე-  
ბით უცნობი ერის ლაშქარი შემოესია. ორგზით  
ბრძოლის შემდგომ იგი უკან გაბრუნდა. ეს იყო მონ-  
ღოლთა პირველი შემოსევა საქართველოში, რომე-  
ლსაც ათი წლის შემდგომ მეორე შემოსევა მოჰყვა.  
ამ ყამად მათ საქართველოს მაგრად მოაკიდეს ხელი  
და მისი აღმოსავლური ნაწილი ლიხის მთამდის  
მთლად დაიპყრეს. ვითარცა გაუნათლებელი ხალხი,  
რომელსაც მაშინ საკუთარი ანბანიც არ ჰქონდა,  
უბნადრო და საგვარეულო წესწყობილების პირ-  
ველ საფეხურზე მდგომნი, მონღოლები მაშინდელ  
განათლებულ აღმოსავლეთს და საქართველოს მხო-  
ლოდ მოუხეშავ, გამანადგურებელ და დამაქვეითე-  
ბელ ძალად მოევიდნენ.

საქართველოში მაშინ სამეფო ტახტზე ლაშა გი-  
ორგის და რუსუდანი იჯდა. მონღოლების შემო-  
სვლისათანავე იგი დასავლეთ საქართველოში გადა-  
ვიდა და იქ შეაფარა თავი. მონღოლებმა 50,000 ოქ-  
რო იკმარეს ქართველებისაგან წლიურ ხარკად და  
ლაშქრის მიშველება ყველგან, სადაც მონღოლებს  
დასქირდებოდათ. მეფე მონღოლებს არ ენდობოდა  
და სატახტო ქალაქში დაბრუნებას ვერ ჰბედავდა.  
თავის მხრივ ვაზირები და სხვა დიდი ხელისუფლება  
დასავლეთ საქართველოში მეფესთან გადასვლას ვერ  
ახერხებდნენ. ამის გამო სახელმწიფოს მართვა-გამგე-  
ობა და საქმეები აიწეწა. ასეთ პირობებში რუსუდა-  
ნმა სამეფო ტახტზე თავის შვილის დასმა არჩია და  
ტფილისში გამოგზავნა. მონღოლებმა ტახტის მემ-  
კვიდრე პატივისცემით მიიღეს და თავიანთ წესისა-  
ებრ ყაენთან გაგზავნეს ყარაყორუმში სადარბაზოდ  
და დასამტკიცებლად. რაკი ის დიდი ხნის განმავ-  
ლობაში არც თვითონ დაბრუნებულა საქართველო-  
ლოში, არც რაიმე ამბავი მისულა, ამიტომ საქარ-  
თველოს მთავრობამ იფიქრა, რომ ტახტის მემკვიდ-  
რეს რამე ხიფათი შეემთხვა და მოკვდაო. აიღეს და  
ესლა მეფე ლაშა გიორგის უკანონო შვილი აირჩიეს  
მეფედ. მონღოლებმა იგიც შესაფერი პატივისცემით  
ყაენთან გაისტუმრეს ყარაყორუმში. დიდ ხანს არც  
ამის შესახებ იხმობდა რამე. მეფე რუსუდანიც დარ-  
დისა და მწუხარებისაგან გადაიცვალა. საქართველო  
უმეფოდ დარჩა. ქვეყნის ისედაც რთული მდგომარე-  
ობა უფრო გაუარესდა. რაკი მონღოლებს მრავალ-  
ცოლიანობა ჰქონდათ ადრევე, ამიტომ მათთვის  
კანონიერი და უკანონო შვილი ერთი და იგივე იყო.  
ამასთანავე მონღოლთა სახელმწიფო სამართალი კე-  
რძო მეურნეობის თვალსაზრისს ჯერ არ გასცილე-  
ბოდა და საყაენო ტახტზე იმდენი მოსაყდრე ადიო-  
და, რამდენი შვილიც დარჩებოდა განსვენებულ ყაენს,  
და ისინი იყოფდნენ საყაენოს თავის რაოდენობის  
შესატყვისად საუფლისწულოების მზგავსად. ამი-  
ტომ როდესაც მონღოლთა ყაენმა თავის ურდოში  
საქართველოს სახელმწიფოს ორი მემკვიდრე იხილა,  
მან უდავიდარბოდ ორთავე მეფედ დამტკიცა და  
საქართველოში გამოსისტუმრა. თუ წინად საქართვე-  
ლო იძულებით უმეფოდ იყო დარჩენილი, ესლა ერ-

თის მაგერ სამეფო ტახტზე ორი იჯდა და ორთავეს  
დავით ერქვა.

თანდათან, როცა მონღოლებმა მცირე აზიაში,  
სპარსეთში და საქართველოში ფეხი მოიმდარეს. პირ-  
ველ შეთანხმებისდამიუხედავად ქვეყნის შინაურ სა-  
ქმეებში ჩარევა დაიწყო და ხარკი საშინლად გაადი-  
დეს. რომ უფრო დანამდვილებით სცოდნოდათ, რამ-  
დენი მეომრის გაწვევა შეუძლიათ მათ ამა თუ იმ სა-  
ხელმწიფოდგან მათველად და რამდენი ხარკის მოკ-  
რება მოხერხდებოდა, იმას გარდა, რასაც ისინი იღე-  
ბდნენ, მონღოლებმა მთელს თავის უზარმაზარ სა-  
ხელმწიფოში ხალხისა და უძრავ-მოძრავი ქონების  
აღწერა მოახდინეს. რასაკვირველია თვითეულ მათ  
ბატონობის ქვეშ მოქცეულ სახელმწიფოთა მოხელე-  
ების საშუალებით. ამ 1254 წ. აღწერის შემდეგ მონ-  
ღოლებმა საქართველოს მართო ლაშქრობაში მათვე-  
ლად ყოველწლიურად 90,000 მეომარი მოსთხოვეს.  
წინად გადაკვეთილ ხარკის მაგიერ ბრავალი სხვადა-  
სხვა გადასახადი და სავაჭროზე ბაჟოც შემოიღეს.  
ამას გარდა თავიანთ მოხელეების სასარგებლოდაც  
სარგო დააწესეს და მონღოლთა შიკრიკებისა და მა-  
ლე მსრბოლთათვის ქართველები ვალდებულნი იყ-  
ვნენ ცხენებიც მიეცათ.

დავითმა რუსუდანის ძემ იმთავითვე მონღოლე-  
ბის ბატონობის და თვითნებობის ტვირთი ვერ აი-  
ტანა, მალე საქართველოს სატახტო ქალაქიდან და-  
სავლეთ საქართველოში ჩუმად გადავიდა და ქუთა-  
ისში დამკვიდრდა სამუდამოდ. რაკი მონღოლებმა  
ლიხთიმერეთის დაპყრობა ვერ მოახერხეს, დასავ-  
ლეთი საქართველო მონღოლთა მონობისაგან განთა-  
ვისუფლებული იყო და ამის წყალობით სრული მყუ-  
დროება სუფევდა. მონღოლთა კირთება ჯერ კიდევ  
უმეფობის დროს საქართველოსთვის იმდენად მძიმე  
და შემადრწუნებელი იყო, რომ საქართველოს მმარ-  
თველი წრეები აჯანყების მოწყობის მზადებას შეუ-  
დგნენ. მაგრამ მონღოლებმა შეიტყვეს, შეთქმულე-  
ბის ყველა მთავრები შეიპყრეს და ამის გამო საქმე  
ჩაიფუშა.

ახალი წესებისა და გადასახადების შემოღების  
შემდგომ ხომ უფრო გაჰირდა აღმოსავლეთ საქარ-  
თველოში ცხოვრება. 90,000 ქართველი ჯარისკაცის  
მონღოლთა დაუსრულებელ სამხედრო მოქმედებე-  
ბში მონაწილეობის მიღება, რომლის გამო ქართველ  
მხედრებს ხან სპარსეთში, ხან მცირე აზიაში, ხან  
ბაღდადის წინააღმდეგ, ხან ვევიპატემიაც-კი უხდებ-  
ოდათ ომი და თავის განწირვა, სწორედ რომ  
გამანადგურებელი შეიქმნა ჩვენ სამშობლოსა და  
ერისთვის. თვით მეფეც იძულებული იყო მომე-  
ტებულ წილად ამის გამო საქართველოს გარეშე  
ყოფილიყო ხალმე და უნებლიეთ სახელმწიფოს  
მართვა-გამგეობა მიეტოვებინა. ამის წყალობით  
საქართველოს სახელმწიფო წესწყობილება განსა-  
კუთრებით წრაკი მონღოლთა ნოინები და ხანები  
ზოგჯერ შინაურ საქმეებშიც ერეოდნენ. შეიკრა.

უძრავ ქონებაზე მონღოლთა მიერ დაწესებული  
გადასახადები იმდენად მძიმე იყო, რომ მამული ამ  
ტვირთს ვერ ასდიოდა და დიდ მემამულეებისათვის  
იმდენად საზარალო შეიქნა, რომ თითქმის ხარჯებს



ვერ ჰვარავდა. მრავალგვარ გადასახადების საშუალებით მონღოლებმა სასრუტეით ფული საქართველოს გამოსწოვეს. ჩვენ ქვეყანაში ფული ძალზე შემცირდა და ძნელი საშოვარი გახდა. ფული გაძვირდა. მაწას კი ფასი დაეკარგა და ამძირავდა; ვალეებით დატვირთული იგი ხელთაგან ხელში გადადიოდა. ამის გამო მიწის მფლობელნი, მეტადრე რასაკვირველია მსხვილი მესაკუთრენი გაკირავებულ მდგომარეობაში ჩავარდნ და გალარიბდნენ. საქართველო დიდს ეკონომიურს განსაცდელში იყო. ხალხმა ველარ გაუძლო ხარკების სიმძიმეს და აუტანელ მდგომარეობიდან თავის დაღწევაზე დაიწყო ფიქრი: მონღოლთა ოფიციალურ ცნობების მიხედვითაც მცხოვრებნი თვით საქართველოს ქალაქებიდანაც კი იყრებოდნ და გარბოდნ. რამდენად გაკანდიერებულნი იყვნენ მონღოლები და როგორი სიმკაცრით მოქმედებდნ ისინი ჩვენს ქვეყანაში, ამას ის გარემოებაც ამტკიცებს. რომ თვით მეფესაც კი სავაჟრო ბაჟს ახდევინებდნ. ამოდენი შევიწროება და შეუარაცხეოდა ველარც მეფე დავითმა ლაშა-გიორგის ძემ აიტანა და მონღოლებს ჯერ აუჯანყდა, ხოლო როდესაც დარწმუნდა, რომ ვერ გაიმარჯვებდა, ისიც აიყარა და დასავლეთ საქართველოში შეიხიზნა და თავის მამიდაშვილთან მივიდა ქუთაისში. ამას სამეფოს მართვა გამგეობისა და სახელმწიფო საქურჟლის ორად გაყოფაც მოჰყვა. შედეგად ეს თუმცა თვით საქართველოს სახელმწიფო მთლიანობას არ ეხებოდა იმიტომ, რომ ქვეყანა კვლავინდებურად განუყოფელი რჩებოდა, მაგრამ უკვე მარტო ის გარემოება, რომ საქართველოში ორი მეფე იჯდა, რომელთაგან ერთი დასავლეთ საქართველოში იმყოფებოდა გამუდმებით და ტფილისში არ მოდიოდა, მეორეს კი აღმოსავლეთ საქართველოში ჰქონდა მუდმივი საჯდომი, რომელიც მონღოლთა ბატონობის წყალობით პოლიტიკურად ლით იმერეთისაგან განსხვავდებოდა. ჩვენი ქვეყნის და ერის მთლიანობისათვის დიდს საფრთხეს წარმოადგენდა. ხოლო რაკი ორთავე მეფეს თავისი შთამომავლობა ჰყავდა, რომელიც ამ ორ მეფიანობის მდგომარეობას აგრძელებდა, ცხადი იყო, რომ შემდეგში, ცოტაოდნად მაინც ხელშემწყობ პირობებში ორ მეფიანობა საქართველოს სახელმწიფოებრივ სხეულსა და ერთობის სამარედ უნდა ქცეულიყო.

მონღოლებმა ისე ფეხქვეშ გათელეს საქართველოს მეფის ღირსება, რომ როდესაც მათს ყაენს ექვი შეეპარა, ვითომც მეფე დიმიტრი მე-II მის მოწინააღმდეგე ნოინების თანამოაზრე და შეთქმულების მონაწილე ყოფილიყოს, თავისთან დაიბარა განსაკითხავად. თუმცა საქართველოს მეფეს შეეძლო თავისთვის ეშველა, ყაენს არ მიჰნებებოდა და მიუვალ მთებში შეიხიზნულიყო, მაგრამ რაკი მან იცოდა, რომ ყაენი ამისთვის შურს იძიებდა, საქართველოს მაგიერს გადაუხდიდა და უდანაშაულო ხალხს დახოცავდა, დიმიტრი მე-II-ემ ისევე თავისი თავის განსაცდელში ჩაგდება ირჩია და ყაენთან წავიდა. მეფის ეჭვი გამართლდა: ყაენის ბრძანებით მას 1289 წელს თავი მოჰკვეთეს. ამ შეგნებული თავგანწირულობით მეფემ ქართველი და საქართველო აუცილებელ განა-

დგურებისაგან იხსნა და ამის გამო ქართულმა ეკლესიამ იგი წმინდანათ შერაცხა, თვით ერმა და შთამომავლობამ კი მოწიწებით “თავდადებული” უწოდა.

ამგვარად მონღოლთა ბატონობამ საქართველოს მთლიანობის დარღვევას ნიდაგი მოუშნადა. სახელმწიფო წესწყობილება და ეკონომიური კეთილდღეობა დაარღვია. მოსახლეობის იმდენად თვალსაჩინო შემცირება გამოიწვია, რომ მეცამეტე საუკუნის დასასრულს ზოგან მცხოვრებნი აღარ იყვნენ და მას შემდგომ მტკვრისა და ალაზნის შესართავის ადგილები გაოხრებული დარჩა. ხალხის კულტურული ვითარება ისე დაქვეითდა, რომ მონღოლთა მიმბაძველობით, საქართველოს უმაღლეს წრეებში ორ და სამ-ცოლიანობამაც კი იჩინა თავი. ასეთს განსაცდელში მყოფს ქართველ ერს მაინც სულითა და ზნეობითაც ევოდნ ძლიერნი პიროვნებანი ჰყავდა, როგორიც იყვნენ კათოლიკოზნი ნიკოლოზ და აბრაამ, რომელნიც გაბედულად ებრძოდნ ამ გვარს ზნეობა დაცემულობას, და ისეთი განთქმული მქადაგებელი როგორიც პიმენ გარესჯელი იყო, რომელმაც დაღესტანში ქრისტიანობა გაავრცელა და ლეკები გააქრისტიანა.

მეთოთხმეტე საუკუნის დამდეგს მონღოლთა უწარმახარმა სახელმწიფომ თავისი დღენი დალია: ნოინთა ურთიერთ შორისმა ქიშპობამ და ბრძოლამ ძალა გამოაცალა და დაამხო. საბედნიეროდ საქართველოშიც, მაშინ სამეფო ტახტზე ისეთი ძლიერი ხელმწიფე და შესანიშნავი მოღვაწე იჯდა, როგორიც გიორგი მე-V ბრწყინვალე იყო. რომელსაც პირად მამაცობასა და სამხედრო ნიჭთან ერთად დიდი პოლიტიკური შორს—გამსჯეუტელობა და სახელმწიფოებრივი შემოქმედების ნიჭი ჰქონდა. მან მონღოლთა დაქსაქსულობა ისარგებლა, დაამარცხა და სრულებით განდევნა აღმოსავლეთ საქართველოდან. ამასთანავე მან კავკასიის ზოგიერთ მთიელთა ქურდული თავდასხმა ძირიან-ფესვიანად მოსპო. დასასრულ მონღოლთა ბატონობის დროს გალაღებული და მეფის ურჩობას მიჩვეული მაღალი მოხელეობა ალაგმა და თავის ქერქში ჩააყენა. მაგრამ გიორგი ბრწყინვალის უუდიდესი ღვაწლი იმაში მდგომარეობდა რომ მონღოლთა წყალობით დარღვეული საქართველოს ერთობა მან წინანდებურად აღადგინა და სახელმწიფოს სახლვარი აღმოსავლეთით კვლავ კასპიის ზღვამდე მიიყვანა.

როდესაც საქართველოს აღდგენას და გაძლიერებას მორჩა, გიორგი ბრწყინვალე შინაურ აღმაშენებლობას შეუდგა. ქართველ მთიელთა სოციალურ და უფლებრივ ვითარების გასაუმჯობესებლად მან სავანებო საკანონმდებლო კრება მოიწვია და მათ ცხოვრების შესაფერისი საპარტოლის წიგნი შეადგენინა. მონღოლთაგან დაშლილი სახელმწიფო წესწყობილების აღსადგენადაც შესატყვისი ძველი შეჰქმნა. ამ ხანში გონებრივადაც ქართველობას აღორძინება დაეცყო და ქართველ მწერლობას სხვათა შორის ისეთი შესანიშნავი საისტორიო ძეგლი შეეძინა, როგორიც ქართველ ეპოთა აღმწერელის დიდი თხზულება არის.

### უცხოეთის მიმობილვა.

იაპონია-ჩინეთის კონფლიქტი.

შორეულ აღმოსავლეთში, დიდ და წყნარ ოკეანეზედ სრულიად არა წყნარი და საყურადღებო ამბები ხდება. წინა ნომერში ჩვენ უკვე ვსთქვით, რომ იაპონია სარგებლობს ევროპა-ამერიკის კრიზისს თავის ძალიან დიდი ხნის ზრახვების განხორციელებლათ მანჯურიასში, ჩინეთის ამ უმდიდრეს და უდიდეს პროვინციაში. ამ უკანასკნელმაც მისცა მას საბაბი და მიზეზი ამისათვის. განუწყვეტელი არევ-დარევა, გენერლების ქიშპობა, მათი ჯარების ბანდობად ქცევა და მშვიდობიან ხალხის შეწუხება არ იყო, რა თქმა უნდა, ხელსაყრელი იაპონიის ინტერესებისათვის. ნუ დაივიწყებთ, მანჯურიასში ბინადრობენ ასი ათასობით იაპონელი. მათ შორის დიდი მრეწველნი და ვაჭარნი, იაპონიამ იქ ჩაყარა მრავალი მილიარდი ოქრო. უჭირავს პირველი ადგილი ამ დარგებში, დაწყებული რკ. გზებით და გათავებული მადნების ექსპლუატაციით. ცხადია ასეთ დიდ ინტერესებს ის ვერ დასტოვებდა უმფარველათ, თუ გინდ ამისთვის ხმლის ამოღებაც დასპირვებოდა ქარქაშიდან.

მეორე მხრით, მოსკოვიც ხომ თავისას შვრებოდა მდგომარეობის გასამწვავებლათ. მისი კომინტერნი არ იქნებოდა თავის სიმძლავრეზე, რომ ცეცხლისთვის ნავთი არ დაესხა, რასაკვირველია, «მსოფლიო რევოლიუციის» გასაჩაღებლათ. მაგრამ კიდევ ადრე, ერთ წელზე მეტია, რაც მოსკოვი ლამობს დიდ ფაქტორად იქცეს მთელს ჩინეთში! თქვენ იცით, მის მიერ შეიარაღებული ჯარები ებრძვიან ნანკინის ნაციონალურ მთავრობას. ჩან კი შეკიგანუწყვეტლივ ბრძოლებშია ამ ჯარებთან. დაობენ კიდევ იმაზე, ვის უჭირავს მეტი ტერიტორია, ნანკინს თუ კანტონს, რომელსაც უკვე ჰყავს თავისი მთავრობა და სრულიად დამოუკიდებელ პოლიტიკას ეწევა.

საინტერესოა მხოლოდ. რა პოზიცია უჭირავს მოსკოვს ჩინეთ-იაპონიის კონფლიქტში. არავითარი, თუ გარეგნულათ შეხედავთ საგანს. მართლაც, აკერ ორი თვეა, კონფლიქტი გრძელდება და მოსკოვისაგან არაფერი ისმის, ჩამი-ჩუმიც არაა, ასე გვეგონებათ. თევზივით წყალი დაგუბებია პირში, ვერ აღებსო. გასულ ნომერში ჩვენ ესეც გავითვალისწინეთ, ნუ გაგიკვირდებათ, თუ მოსკოვს საიდუმლო შეთანხმება აქვს იაპონიასთანქო. ესლა შეიძლება ითქვას, რომ ეს ასეა, უეჭველათ. მან მისცა გარანტია იაპონიას ხმა არ ამოიღოს, გადაყლაპოს, თუ მისი მონაწილეობა ჩინეთ-აღმოსავლეთის რკინის გზაზედ უდაო დარჩება. ამ პირობასკი მისცემდა მას იაპონია. ესეც ცხადია, რადგანც ჯერ მას სჭირია ჩინეთ-აღმოსავლეთის რკინის გზა და თვით მხარეც თავისთვის დაიმკვიდროს. მხოლოდ ამის შემდეგ დაისმის მისთვის კითხვა ჩრდილოეთ მანჯურიის მისაკუთრებისა და რუსების იქიდან გაბრძანებისა.

მაგრამ ჩვენ უნდა დაუბრუნდეთ ისევ კონფლიქტს. იაპონიამ ჯარი შეიყვანა მანჯურიასში, დაიკავა მუქდენი, გირინი და სხვა ადგილები. მაშინ სწორეთ ეწენევაში ერთა ლიგის წლიური ყრილობა მუშაობდა. რასაკვირველია, ეს ისარგებლა ჩინე-

თის დელეგატმა და კითხვა საბჭოში დააყენა. ის მოითხოვდა ჩარევას ომის ასაცილებლათ. გაიმართა ბუბა და ბოლოს ერთი რეზოლუცია მიიღეს ჩინეთის და იაპონიის დელეგატების დასტურით, რომ ორივე ქვეყანა მშვიდობიანათ მოაგვარებდენ კონფლიქტს. მაგრამ ეს ასე არ მოხდა, იაპონიამ გაიყვანა ჯარი ზოგ ადგილებიდან. ხოლო მთლათ არ დასცალა პროვინცია, იყო შეტაკებები, აეროპლანებით დაბა-სოფლების დაზარალება და სხ. ჩინეთის რეგულიარული ნაწილები თავს არიდებდენ იაპონიის ნაწილებს, სამაგიეროთ არარეგულიარული «ბანდები» იბრძოდენ. სტარცვაგდენ მშვიდობიან ხალხს, მათ შორის იაპონლებს. ამას ვარდა, გამწარებული ჩინელები ბოიკოტს უცხადებენ იაპონიის საქონელს და დიდ ზარალს აყენებენ მათ.

ძალიან ცუდ მდგომარეობაში ჩავარდა ერთა ლიგა, ამ უკანასკნელათ ისედაც შესუსტებული მისი პრესტიჟი მთლათ დაცემის პირზე იყო. საბჭო იძულებული შეიქნა ისევ შეყრილიყო ეწენევაში და, ბრიანის თავმჯდომარეობით, მთელე ორი კვირა ეცადა შეელოდა საქმეს, რაში იყო სინძლე? პირველი ფორმალური: საბჭომ სთხოვა კიდევ სექტემბერში, თვით იაპონიის დელეგატის თანხმობით, ამერიკის შეერთებულ შტატებს ახლო მონიჭილობა მიეღო კონფლიქტის ჩაქრობაში. ამერიკამ სინარულით მიიღო წინადადება, მით უფრო, შინაური კრიზისით მოკავებულს მას დრო არ ჰქონდა შორეულ აღმოსავლეთში დიდი აქტივობა გამოეჩინა. მაგრამ რაში უნდა გამოხმტულიყო მისი მონაწილეობა? ის არ არის ერთა ლიგის წევრი, არც უნდა იყოს. საბჭოში კი არამც თუ მონაწილეობა, მთავალყურეობაც არაა ნაგულისხმევი, პაქტის ძალით, არა წევრისა. საბჭოს სურდა და კიდევ მისწერა ამერიკას დაენიშნა კაცი მის სხდომებზედ დასასწრებლათ «ინფორმაციისათვის», რაიცა კიდევ შეასრულა ამერიკამ. იაპონიის დელეგატი ამას წინააღუდა, ლიგის ფაქტი ამის ნებას არ ვაძლევთო.

ეს ფორმალური კონფლიქტი იმითაა საინტერესო, რომ ისეთ ძლიერ სახელმწიფოს, როგორიცაა ამერიკა, რომლის წინაშე ქედს იბრინ ყველა სახელმწიფოები, იაპონიამ კარის მიხურვა დაუბრა! რაშია საქმე? სწორეთ აქ გამოიმყვანდა ის დიდი და სავაჭო ქიშპობა, რომელიც არსებობს ამერიკასა და იაპონიას შორის «პასიფიკზედ» ბატონობისთვის. საკმარისი იყო ერთი ნაკვერჩხალი და ისეთი ამბავი დატრიალდებოდა. მანჯურია არავის გაახსენდებოდა, ამიტომ ბრიანის რული ეწენევაში ერთხელ კიდევ შესანიშნავი გახდა. მის მოქნილ დიპლომატიას მიეწერება, აგრეთვე პირდაპირ მოლაპარაკებას ვაშინგტონსა და ტოკიოს შორის, რომ ამერიკის წარმომადგენელმა მიიღო მონაწილეობა საბჭოში, და ემყარებოდა არა ლიგის, არამედ კლოგ-ბრიანის პაქტს, რომელზედაც, სხვათა შორის, ხელი მოწერილი ჰქონდათ როგორც ჩინეთს, ისე იაპონიას.

მაგრამ არსებითი სინძლე კიდევ უფრო უარესი იყო. მისი ამოწურვა ვერ მოახერხა საბჭომ. მოკლეთ საქმე შემდეგშია. ჩინეთი მოითხოვდა ევაკუაციას, შემდეგ მოლაპარაკებას იაპონიასთან; უკანასკნელი

წინაუქმობა: ჯერ მოლაპარაკება, მერე ევაკუაცია. ბრძინილები რომ გაეხსნათ, შემდეგ სურათს დაინახავთ: ჩინეთს ემინია უშუალოთ ლაპარაკის იაპონიასთან. რადგან ეს წინათაც სწარმოებდა მათ შორის, ამიტომ იმედი არ აქვს, რომ კარვით ვათავდებამისთვის და მაშინ ოკუპაციაც დაპყრობად იქცევა. ამიტომ მას უნდა ერთა ლიგის ზურგი მოიპოვოს. თქვენ გადასწყვიტეთ. მე წინაწინ ხელს გიწერთო — ეუბნება ის მას. იაპონიას სწორეთ ვე არ სურს, უნდა მარტო ჩიგდოს ხელში ჩინეთს და ოკუპაციის წყალობით ის მიადებინოს. რაცა სწადა. ამიტომ ეწინააღმდეგებოდა ის ამერიკის ჩარევასაც.

იყო მეორე საფეხურიც საბჭოს ცდაში. იაპონიას ათქმევინეს ბოლოსდაბოლოს, რომ მას არა აქვს ტერიტორიალური მიზნები მანჯურიაში, არის ანატიკია, ჩემი მოქალაქენი და მათი ქონება განსაცდელშია. მომცეს გარანტია ჩინეთმა, რომ წესიერებას დაიცავს, ბოიკოტს მოხსნის, და მხოლოდ მაშინ გავიყვანო ჯარსო. ეს კი მართლაც საფუძვლიანი მოთხოვნა იყო. წესიერების დამყარებაში სხვა სახელმწიფოებშიც დაინტერესებულია. არ ვეიწყებთ, რომ გვერდით საბჭოებია მთელი მათი დამხრევი აპარატებით. გამოსავალი ვერ ვპოვეს. საბჭომ თავის თავმჯდომარეს ბრიანს მიანდა გაშოვნა იგი. ამანაც ცნია, ეცია და ბოლოს რეზოლიუციის პროექტი წარადგინა, რომელიც არც მწვადას სწავეს და არც შამფურს, როგორც იტყვიან. იაპონიამ ჯარები უნდა გაიყვანოს 16 ნოემბრამდე — თარიღი საბჭოს ხელახლათ მოწვევისა. ხოლო ჩინეთმა მანამდე უნდა ელაპარაკოს იაპონიასო. უკანასკნელი წინააღმდეგია ვადის, რადგან არ ვიცით, ამ დროისათვის აღდგება თუ არა წესრიგი მანჯურიაში. ჩინეთი კი უპასუხებს, წესრიგს როგორ აღვადგენ, თვითონ შენ მიშლი ხელსო, ბოიკოტი როგორ მოვხსნა. როცა შენი ჯარები იქა და ხალხიც ამისთვის ლეოავსო. ბოლოს ჩინეთი მაინც იღებს რეზოლიუციას, იაპონია კი არ უერთდება მას. პაქტის ძალით კი საჭიროა ერთხმად მიღება. ამ რიგათ. საბჭომ ვერ დააბოლავა საქვე. მაგრამ მაინც შესძლო მშვიდობიანი კილოს შეტანა დავაში. ის კიდევ შეიკრიბება 16 ნოემბ. და ეს გარემოება ერთგვარი ვაფრთხილებაა მხარეთათვის.

ერთი ამბავიც, რომელსაც უაღრესი მნიშვნელობა ექნება, თუ განხორციელდა. ჩინეთის განსაცდელმა ჩააფიქრა ნანკინის და კანტონის მთავრობები. გამართეს შანაიშიც მსოლაპარაკება და მორიგდენ კიდევ, ჩინეთში მორიგებას არ აქვს საბოლოო ხასიათი, როგორც ამას ეს ოცი წლის ამბები ამტკიცებენ. მეორე დღეს იწყებენ ბრძოლებს, ჩნდებიან გენერლები, «ქვეყნის მხსნენი» და ასე დაუსრულებლივ. ყოველ შემთხვევაში, ჩინეთმა სხვა დადებითი მხარეებიც გვაჩვენა: ის უმაგრდება დიდ სახელმწიფ. თავისუფალ ჯირითს თავის ტერიტორიაზედ, ერთის მხრით, და მოსკოვის პროპაგანდას სიტყვით და ფულით, მეორეს მხრით. ქვეყანა უზარმაზარია, ხალხი უთვალავი, უნდა გვიკვირდეს, რომ მთლათ არ დაემა და არ დანაწილდა. ვინ იცის, იქნება შანაის შეთანხმება ის უკანასკნელი აქტია, რომელიც შეაძლებინებს იაპონიას და ჩინეთს გამონანონ საერთო ენა.

**საქართველოდან იტალიისკენ**

სვანეთში აჯანყება დაიწყო საბჭოთა ხელისუფლების წინააღმდეგ. რაიონულ კომიტეტის თავმჯდომარე სვანიძე ასი შეიარაღებული კომუნისტით გადაუდგა ტფილისის მართებლობას და მიემხრო პარტიზანებს. ეს ნაწილობრივი მოძრაობა გადაიქცა მთელი კუთხის სახალხო აჯანყებად. სვანების წინააღმდეგ გაგზავნეს წითელარმიელთა ორი პოლკი. მაგრამ ამ ყამად მთებში მოქმედება მეტად ძნელია, სვანები თავგანწირულად იბრძვიან და ჩაკეტეს ყველა გზები.

ამასთან ერთად დაიწყო მოძრაობა საქართველოს აღმოსავლეთ ნაწილში. ბორჩალოს მაზრაში მიუხედავად მკაცრი რეპრესიებისა, კვლავ იფეთქა გამოსვლებმა და მებრძოლთა წინააღმდეგ ჩეკის ახალი რაზმები გაგზავნეს.

ჭიათურაში მას შემდეგ, რაც იქ პარტიზანებმა პოლიტიკური ტუსადები გაანთავისუფლეს, ჩეკისტთა სამეული გაგზავნეს ბაგრატიონის მეთაურობით, რომელიც განთქმულია თავის სასტიკობით და სიმხეტით. ეს სამეული მუშაობს ჭიათურასა, ზესტაფონში და სხ. და მრავალ ხალხს უპირებს გადასახლებას ციმბირში.

**საქართველოს ამბები**

(ქუთნალ-ვახეთყმინიან)

ამიერ-კავკასიის 227 საბჭოთა მეურნეობიდან მხოლოდ 80 საბჭოთა მეურნეობაში არის პარტუჯრედი. არსებობს ისეთი საბჭოთა მეურნეობანიც, სადაც სრულიად არ არიან კომუნისტები და კომკავშირელები.

— მუშებისთვის ივნისის და ივლისის ხელფასი არ მიუციათ. სურსათ-სანოვავის და ტანსაცმელფესსაცმელის მხრივ დიდი გაჭირვებაა. წყვილი ფესსაცმელი იყიდება 35-40 მან. წყვილი ქვედა საცვალი 22 მან., გალოში — 17 მან. 60 კობ. მაშინ როდესაც მუშის თვიური საშვალო ხელფასი უდრის 64 მან.

— ამიერ-კავკასიის რკინის გზის ხაზზე გახშირდა ორთქლმაგლების მოშლის შემთხვევები. რასაც ნამდვილი საბოტაჟის ხასიათი აქვს. აგვისტოში ასეთმა შემთხვევებმა პირდაპირ კატასტროფიული ხასიათი მიიღო. მაგალითად: 1 აგვისტოს გაფუქდა 8 ორთქლავალი, 2 აგვისტოს — 7, 3 აგვისტოს — 7, 4 აგვისტოს — 8, 5 აგვისტოს — 9, 6 აგვისტოს — 7 და სხვა...

— უკანასკნელ ხანებში გახშირდა მინდვრათ ცეცხლის შემთხვევები. იწვის სალეწი მანქანები და პურის ძნები (ლაგოდენი, შირაქი, საქობო).

— კერძო გამომცემლობა «ქართული წიგნი» ბლშევიკური ხელისუფლების დადგენილებით დაიხურა და მთელი მისი ქონება გადაეცა სახელგამს.



ქართველები გერმანიაში

ქართული წარმოდგენა პარიზში

მოკლე ხანში მოხდება საზოგადოების გამგეობის არჩევნები. ძველი გამგეობა აგერ ორი წელიწადია მუშაობს. ამ გამგეობის მოხსენებიდან, რომლითაც იგი საზოგადოებას წარუდგება, სწავთა შორის სწანს, რომ მიუხედავად მრავალ ხელშეწყობილ პირობებისა, მაგ, კულტურულ მუშაობაში მას ხაზიერი გადაუდგამს. გამგეობის სახგასმული მისწრაფება ყოფილა მეტი კავშირის გაბმა მეზობელ და თანამებრძოლ ერების კოლონიებთან: ადგილობრივი ენების, სომხებთან, უკრაინელებთან, თურქესტანელებთან და სხვ. მიზანია:—დაახლოვება, ერთი მეორის წაოსულისა და ამწყოს შესწავლა, გაცნობა.

ამ მიზნით გამგეობას მოუწყვია მოხსენებები: ანტიბიქანელები: რასულ-ხადეს და ხილალ-მუშინის «ამიერ-კავკასიის მომავალი», «ანტიბიქანის წარსული, აწმყო, მომავალი»; უკრაინელების: პროფ. დოროშენკოს—«უკრაინის ისტორია უძველეს დროიდან დღევანდლამდე» (2 მოხსენება), პრ. ზენო კუხენლას—«უკრაინის ეთნოგრაფია». განძრახულია მოხსენებები: თურქესტანზე, თათარისტანზე, გერმანიის კონსტიტუციაზე და სხვ.

გერმანიაში მყოფ ქართველებში ბევრია უმუშევარი, მაგრამ ამ დალოცვილ ქვეყანაში მისი სამაგალითო კანონმდებლობით, მიუხედავად საზინელი კრიზისისა, ამ უმუშევრობას ისე მწვავედ ვერ ვგონობთ. ყველას, ვინც უმუშევარია, ამა თუ იმ სახით დახმარება ეძლევა. ბევრი არ არის ეს დახმარება, მაგრამ იმდენი კია, რომ მომჭირნე ადამიანმა თავი შეინახოს და სასოწარკვეთილებას არ მიეცეს. დაუვიწყარია ის დახმარება, რომელსაც გერმანია ჩვენ ემიგრაციას უწევს: არავითარ განსხვავებას ამ მხრივ გერმანელსა და ქართველ შორის ადგილი არა აქვს. მუშაობის შოვნა აქ ძნელია. თითქმის შეუძლებელი, მაგრამ ვისაც უმუშავნია, მისთვის დახმარებაც უზრუნველყოფილია. ეს განსაკუთრებით იმ ქართველებს ენება, რომელნიც ადლერსპოფში (ბერლინის ეთნო-ერთი ნაწილთაგანია) ქალაქის ბარაკებში სცხოვრობენ. (იმავე ბარაკებში სცხოვრობენ უკრაინელი სტუდენტები). დიდ ყურადღებას აქცევს აქ ქართველების ცხოვრებას ტრეპტოვის (ბერლინის მე 15-ე უბნის ცენტრი) თვითმართველობა ყველაფერში... ამას წინათ მან უმუშევართათვის ქალაქ გარეთ გემით გასეირნება მოაწყო, —რასაკვირველია უფასოდ. ქართველების დასაპატიჟებლად თვითმართველობიდან სპეციალურად ჩვენი მეგობარი ბ.ნი შვარცლანზე მოვიდა ბილეთებით. და ასე ყოველთვის:—არ გვივიწყებენ,—პირიქით! შევხსლებთკი ოდესმე ამ პატივისცემის გადახდას?... ჩვენ თუ ვერ შევხსლებთ, საქართველო ამ პატივისცემას გერმანიას არ დაუვიწყებს.

მანი.

პარიზში არსებულ ქართულ დრამატული წრის მიერ ნომებრის თვის უქანსკენლ შაბათს წარმოდენილი იქნება ალ. სუბათაშვილის 5 მოქმედების ისტორიული დრამა დ ა ლ ა ტ ი.

იმედია პარიზის ქართველობა დიდის თანაგრძობით შეხვდება ამ განხრახვას. ქართული წარმოდგენა მეტად იზგიათი მოვლენა ემიგრაციაში და განსაკუთრებით ისეთი პიესისა, რომელიც ჩვენს საზოგადოებაში ყოველთვის დიდს აღფრთოვანებას იწვევდა. წარმოდგენა მოგვცემს საშუალებას კვლავ ერთხელ განვიცადოთ ძვირფასი გრობობები მამულის ღრმა სიყვარულის და მისი განსათავისუფლებელი ბრძოლისა. ყველა ქართველი უნდა დაესწროს «ალალტის» წარმოდგენას და მით დაეხმაროს წრეს აუცილებელი ხარჯების ასანახაურებლად და ზნეობრივადაც გაამხნევოს და წახალისოს იგი მუშაობის გასაგრძობად. ეს მეორე წარმოდგენა იქნება დრამატული წრის; პირველი იყო «პატარა კახი», რომელიც ჩინებულად იყო ჩატარებული და დამსწრე საზოგადოებაც სრულიად კმაყოფილი დარჩა.



დაისტამბა და იყიდება  
ხელფენებისა და ქენიეუების კრებული:

„კ ა ვ კ ა ს ი ო ნ ი“

(წიგნი მეექვსე)

ფასი 10 ფრ.

შემდეგი შინაარსისა:

- გ. გამყრელიძე—გრცელი ქალაქი.
- „ და მწვიდობება.
- რალფი—დედ-მამა.
- გიორგი ყიფიანი—ფერადი სურათები.
- „ ქარხანაში.
- დ. ყურულიშვილი—ფიქრები საქართველოზე.
- „ —ფიქრები ორი ამბაში ემიგრანტის.
- ა. ქეიბური—ჩემი ცხოვრების დღე.
- გიორგი ყურული—ნატურის თვალი.
- შ. ამირეჯიბი—უბნობანი ურგებნი თორნიკენი.
- გ. ა. უტხელი—მწერლობის მეგობრისადმი.
- ისახარ—დიდი სახეები პატარა ჩარჩოებში.
- დ. საღირაშვილი—სპარსეთის რევოლუცია.
- ვ. ემუხვარი—მასალები ფულ-პოლიტ. სტუდიის.
- ედ. პაპავა—აღწერები ძველ საქართველოში.
- რ. არსენიძე—ბიბ. შენიშვ. ვ. ტყაოსნის საკ. შესახებ
- ლ. კვარაცხელია—ერთი წიგნის გამო.
- ვ. ნოზაძე—ქართული სახლი.

გამოწერა შეიძლება შემდეგი მისამართით:

V. NOZADZÉ

15, Chemin du Reposoir 15.  
Paris (14)